

摛藻堂四庫全書薈要

經部

欽定四庫全書叢目要

欽定禮記義疏卷四十二

經部

詳校官編修臣程嘉謨



欽定四庫全書  
欽定禮記義疏卷二千五百五

經部

欽定禮記義疏卷四十二

玉藻第十三之二

始冠緇布冠自諸侯下達冠而敝之可也

冠古亂反布  
冠如字下並

本  
亦作弊

正義鄭氏康成曰緇布冠本太古耳非時王之法服  
也 孔氏穎達曰從諸侯下達於士其初加者是緇  
布冠不復常著冠而敝去之可也 周氏謂曰用緇

布者所以立本也然非以趨時故既冠而即敝之可也

案崇本尚質而導人心於朴淳則始加緇布之深意也故冠義以此始茲雜明冠制亦以此始

總論孔氏穎達曰自此至桓公始也一節廣論上下及吉凶冠之所用唯五十不散送及親沒不髦記者

雜錄廁在其間

玄冠朱組纓天子之冠也緇布冠縵綾諸侯之冠也玄

冠丹組纓諸侯之齊冠也玄冠綦組纓士之齊冠也

入繢

作繪戶內反綾本又作禊耳佳  
反齊側皆反綦音其徐其記反

正義鄭氏康成曰玄冠朱組纓緇布冠繢綾始冠之

冠也玄冠委貌也諸侯緇布冠有綾尊者飾也

孔疏郊特

牲士冠禮皆云其綾也吾未之聞謂大夫  
士也此云繢綾諸侯之冠故云尊者飾也

繢或作繪

綾或作緇齊冠言齊時所服也

孔疏言齊者兼祭祀之時故曲禮云立如

齊恐此齊亦兼祭祀故言齊時所服其祭諸侯則玄冕也

陳氏祥道曰朱以著

正陽之色繢以備五采之文五采雖美不若正陽之

純純其飾所以異也諸侯與士之齊則同而尊卑之分則異同故皆玄冠以一其誠異故組纓殊色以辨其等丹則顯綦蒼爻色則晦也 方氏憲曰天子言纓諸侯言綾互相備爾玄則純乎天之色緇則雜以地之色故以為天子諸侯隆殺之辨齊之冠一以玄者以陰幽思也 馬氏晞孟曰委貌之制不可考觀周禮言冠弁而康成以委貌言之則委貌類弁矣范文子以杖擊其子而折委笄則委貌有笄矣士冠禮

緇布冠有纓無笄而皮弁爵弁有笄則委貌殊於緇  
布冠類於弁可知也周官司服其祭服有玄端素端  
記曰太古冠布齊則緇之又曰齊之玄也又曰齊玄  
而養又曰玄冕齊戒荀子曰端衣玄裳輓而乘路蓋  
太古之祭冠以緇周之祭冠以玄天子齊則玄冕而  
玄端所以輓而乘路者也諸侯而下則玄冠玄端而  
已所謂丹綦組纓是也 朱氏申曰朱與丹皆赤類  
也然朱則含陽焉丹則受陽而已續與綦皆雜色也

然繢則以畫綦則染之而已

存疑鄭氏康成曰四命以上齊祭異冠

孔疏諸侯玄冕祭玄冠齊

孤則爵弁祭亦玄冠齊是齊祭異冠也其三命以下大夫則朝服以祭士玄端以祭皆玄冠是齊祭同冠

天子之士與諸侯上大夫同天子大夫與諸侯孤同此云四命齊祭異冠謂自祭助祭於君則齊祭同冠也鄭答趙商云齊祭謂齊時一冠祭時亦一冠四命乃然大夫冕士弁而祭於君齊時服之祭時服之鄭言是助祭齊祭同冠若然士之助祭齊服應服爵弁而鄭注旅貢氏云服玄端不服爵弁者熊氏云士助王祭祀服爵弁若助王受朝覲齊時則服玄端義或然也

陳氏祥道曰天子諸

侯大夫齊祭異服特天子於羣小祀皆玄冕則齊祭

同服

存異陸氏佃曰玄冠丹組纓亦天子之齊冠

案記謂夏之末造有諸侯冠禮自必有天子冠禮而此朱組纓繢綾誠如鄭云始冠之冠蓋夏之末造興焉至周彌文矣冠之制有三冕最尊弁次之冠又次之故冕弁不得妄干而冠自天子下達然天子亦止用之燕居耳此言齊冠不及天子天子齊以冕故也陸謂玄冠丹組纓亦天子齊冠則無別矣且羣小祀

祀之最卑者也猶必玄冕是天子無以冠齊者陳氏  
以齊祭異冠兼大夫較鄭四命以上之義為長蓋玄  
冠丹組纓諸侯之齊冠則諸侯以下齊必以冠可知  
乃雜記有云大夫冕而祭於公弁而祭於己士弁而  
祭於公冠而祭於己即謂雜記大夫為孤而士則固  
弁而祭於公是雖小國之大夫亦當弁而祭於公也  
以齊無不玄冠之諸侯以祭有弁之士齊祭異冠矣  
而顧謂四命以上始然宜乎來趙商之間而孔氏輒

轉以求申其說終疑其義之或然哉

縞冠玄武子姓之冠也縞冠素紩既祥之冠也垂綫五寸惰游之士也玄冠縞武不齒之服也

縞古老反又古報反紩音埠又

埠支反惰  
徒臥反

正義鄭氏康成曰縞冠玄武謂父有喪服子為之不

純吉也武冠卷也古者冠卷殊

孔疏卷用玄而冠卷用  
縞冠卷異色紩

讀如埠緣邊也既祥之冠已祥祭而服之也間傳曰

大祥素縞麻衣垂綫五寸亦縞冠素紩凶服之象也

孔疏以文承上故知縞冠素紩而加垂綾五寸垂長綾明非既祥不齒所放

不帥教者孔氏穎達曰姓生也孫是子之所生故

云子姓武用玄玄是吉

方氏憲曰武在下為父而玄親親於下也

冠用縞

縞是凶

方氏憲曰冠在上為祖而縞尊尊於上也

吉而雜凶不純吉也縞

冠素紩緣冠兩邊及冠卷之下畔其冠與卷身皆用

縞未純吉之祭服也但以素緣耳

方氏憲曰既祥

之冠不以布而以縞吉事之先見也紩不以采而以

素有禫餘哀故也陳氏祥道曰子姓之縞冠玄武

則凶其上不齒之玄冠縞武則凶其下凶其上以父  
之有服故也凶其下以下之自貽故也 吳氏澄曰  
對有服之父而言則曰子對所為服之祖而言則曰  
孫故兼言子姓 應氏鏞曰垂綾五寸游曳而長非  
法服也蓋勤飭者敏於趨事謹於守禮故綾必短惰  
游者怠於事而侈於飾故特長

通論孔氏穎達曰縞是生絹而近吉當祥祭之時身  
著朝服首著縞冠以其漸吉故也不言以素為純故

喪服小記云除成喪者朝服縗冠雜記祥主人之除  
也於夕為期朝服鄭云祭猶縗冠雜記又云既祥雖  
不當縗者必縗據此皆云祥祭縗冠若既祥之後微  
申孝子哀情故加以素純以素重於縗也檢勘經注  
如此而皇謂縗重素輕祥祭之時以素為冠以縗為  
純得冠名祥祭之後以縗為冠以素為純亦冠得  
純名素冠文無所出不知皇何據案禮無素冠詩庶見素冠

陳

氏祥道曰情游之責輕於不齒而縗冠素純垂綾五

寸重於玄冠縞武何也蓋惰游者一時之過苟變惰游以趨職事則縞冠垂綾棄之可也若夫玄冠縞武或服之終身或服之三年故以重馭暫義也以輕馭久仁也義故民畏其威仁故民懷其德

存疑鄭氏康成曰惰游罷民也

孔疏周禮坐嘉石之罷民

辨正陸氏佃曰惰游言士非罷民著矣亦言士猶以士望之

案居冠不綾而游惰之士常垂綾以為飾則使之縞

冠素紱加垂綾五寸無喪若有喪以深著無事若有事之深可閔也

居冠屬武自天子下達有事然後綾

屬章  
反

正義鄭氏康成曰居燕居也著冠於武少威儀有事然後綾燕無事者去飾

通論周氏諱曰諸侯齊與燕雖皆用玄冠然齊冠不屬卷而加綾則齊與燕其服不能無小異 陳氏祥道曰子姓之冠縕冠玄武不齒之冠玄冠縕武則非

子姓與不齒冠武同色也雜記曰委武亥縞而后莊則武亦謂之委以其若冠之足故曰武以其委於下故曰委

案武者冠之卷儀禮斬衰外畢注冠前後屈而出縫於武賈疏前後兩頭皆在武下向外反屈之縫於武縫畢向外故云外畢是惟斬衰外畢諸冠皆內畢也若冠不與武相屬則制冠猶未畢何以冠乎喪大記加武帶絰謂加絰於冠之武非

前冠無武至此加武也固冠在纓不在武此節文義

以有事與居對以後綾與屬武對言常時纓屬於武故無綾有事乃繫纓於笄以固冠而因垂其餘以為飾乃有綾也

存疑孔氏穎達曰若非燕居則冠與武別臨著乃合之有儀飾故也 陳氏祥道曰古者施冠於首然後加武以約之喪大記襲裘加武則武之設所以約冠居冠屬武則非燕居武不屬於冠也喪冠條屬則非有喪者纓武異材也 方氏慈曰君子動而有為則

詳而文靜而無事則畧而質居冠屬武畧而質也

五十不散送親沒不髦大帛不綾玄冠紫綾自魯桓公

始也

散悉但反  
髦音毛

正義鄭氏康成曰五十送喪不散麻始衰不備禮也

孔疏始死三日之前要經散垂三日之後乃綾之至葬啓殯已後亦散垂既葬乃綾五十既衰不能備禮

故不散垂

不髦去為子之飾大帛不綾去飾也

周氏諱

曰五十不散送養筋力於始衰之年親沒不髦責成

人於親沒之後大帛不綾異於吉也方氏穀曰紫

色非正也後世用之自桓公始

存異鄭氏康成曰帛當為白謂白布冠凶服玄冠紫  
綾僭宋王者之後服也

孔疏以祭周公用白牡乘大路是魯用殷禮故疑紫綾僭

宋綾當用續孔疏以上文云緇布冠續綾諸侯之冠故知也

案雜記大白與緇布連文則白布冠居喪所服此大  
帛則素縉凡有憂者之服如衛文公大帛之冠及秦  
伯素服郊次用之不必改此帛為白孔子惡紫奪朱  
時人好紫桓公以為綾耳宋王者之後服紫何據乎

天子朱紱諸侯青紱青紱則青綾者宜也始冠之緇布續綾冠而敝之矣豈以為常乎

朝玄端夕深衣深衣三祛縫齊倍要衽當旁袂可以回

肘

朝直遙反祛起魚反縫音逢齊音咨要一遙反衽而審反又而鳩反肘竹丑反

正義鄭氏康成曰謂大夫士也

孔疏朝玄端與君不同故知是大夫士

三祛者謂要中之數也祛尺二寸圍之為二尺四寸

三之七尺二寸

孔疏深衣云幅十有二以計之幅廣二尺二寸邊各去縫一寸餘有一尺

八寸裳每幅交解之闊頭廣尺二寸狹頭廣六寸此

寬頭嚮下狹頭向上要中十二幅廣各六寸故為七

尺二縫紾也紾下齊倍要中齊丈四尺四寸

孔疏下齊十二

幅各廣尺二寸故紾謂裳幅所交裂也袂可以回肘為一丈四尺四寸紮謂裳廣或殺而上

二尺二寸之節

孔疏肘長尺二寸故可以回肘也

凡紮者或殺而下

孔疏謂喪服之紮廣頭在上狹頭在下

或殺而上

孔疏謂深衣之紮寬頭在下狹頭在上

是以小要取名焉

孔疏深衣與喪服相對為小要兩旁皆有此紮

紮屬衣則

垂而放之

孔疏謂喪服或朝祭之紮屬裳則縫之以合前後

謂深衣之上下相變也孔疏謂上體是陽陽體舒散故垂紮而下下體是陰陰主收斂故縫而合

孔氏穎達曰祫謂袂末言深衣之廣三倍於袂

末齊謂裳之下畔要謂裳之上畔衽謂裳之交接之處當身之畔深衣衣上屬幅而下裳下屬幅而上相對為衽鄭注深衣鉤邊今之曲裾則宜兩邊而有也

陳氏祥道曰深衣與長中同制異飾連裳方衿直繩旁衽以至裳十二幅要三祛縫齊倍要之類此其所同也深衣之純以采若素長衣之純素而已中衣之飾繡黼丹朱而與長衣又繼揜尺焉蓋以其衣裳邃焉故謂之深衣以其祛襖長焉故謂之長衣以其

有表而在中焉故謂之中衣 張氏怡曰禮服殊裳  
則衽圍揜前後深衣連裳衽揜向旁也

通論孔氏穎達曰士大夫以視私朝故服玄端若朝  
君則朝服也若大夫莫夕蓋亦朝服其私朝及在家  
大夫士夕皆深衣也

餘論陳氏祥道曰衽之辨有上下其用有左右生者  
尚右記曰親始死极衽是也死者尚左記曰小斂大  
欬祭服不倒皆左衽是也

總論孔氏穎達曰自此至弗敢充也一節廣論衣服及裘褐襲之事

長中繼揜尺祫二寸祛尺二寸緣廣寸半以帛裏布非

禮也

祫音劫廣公曠反

正義鄭氏康成曰其為長衣中衣則繼袂揜一尺若今襖矣深衣則緣而已祫曲領也祛袂口也緣飾邊也中外宜相稱故以帛裏布非禮也冕服絲衣也中衣用素皮弁服朝服玄端麻衣也中衣用布孔疏皮弁服朝

服立端服三衣用麻麻即十  
五升布故中衣並用布也

孔氏穎達曰長衣中

衣制同有表謂之中衣若露著則曰長衣幅廣二尺  
二寸長衣中衣以半幅繼續袂口故揜餘一尺也長  
衣揜必用素中衣揜或布或素隨其衣而然以帛裏  
布非禮者若朝服用布則中衣不得用帛 陸氏佃  
曰長衣練冠長衣是也中衣繡黼丹朱中衣是也  
周氏諱曰玄冕而上衣用帛者則裏亦用帛皮弁而  
下衣用布者則裏亦用布 余氏心純曰袂口以半

幅繼續而揜覆一尺此與深衣異衿二寸祛尺二寸  
緣廣寸半皆與深衣同

通論陳氏祥道曰禮遭君夫人世子之喪將命於大  
夫主人長衣練冠以受喪服小記大夫士筮宅史練  
冠長衣以筮是長衣所施趨於凶而非純凶也

士不衣織無君者不貳采衣正色裳間色

衣於既反  
聞去聲

正義鄭氏康成曰織染絲織之士衣染縷也不貳采  
大夫去位宜服玄端玄裳

孔疏大夫士去國三月之內服素衣素裳三月之後

則服玄裳

衣正色裳間色謂冕服玄上纁下

孔疏玄是天色故為

正纁是地色赤黃之雜故為閒色

孔氏穎達曰織者前染絲後織

此服功多色重大夫以上衣之士賤不得衣也皇氏

云正謂青赤黃白黑間謂綠紅碧紫駢黃青是東方

正綠是東方閒木色青木尅土土黃故綠色青黃也

赤是南方正紅是南方閒南火赤尅金故紅色赤白

也白是西方正碧是西方閒西金尅木故碧色青白

也黑是北方正紫是北方閒北水黑尅火故紫色赤

黑也黃是中央正駢黃是中央間中央土尅水水黑  
故駢色黃黑也 徐氏師曾曰衣被於上體用正色  
以得五行之純氣尊之也裳被於下體用閒色以得  
五行相尅之雜氣卑之也

通論孔氏穎達曰士衣染繒詩庶人得衣錦者禮不  
下庶人有經而等也唐傳云古者有命民飾車駢馬  
衣錦非周法下文居士錦帶者直以錦帶非為衣也  
大夫以上得衣織衣而禮運云衣其幹帛謂先代禮

尚質故也

非列采不入公門振締紿不入公門表裘不入公門襲

裘不入公門

振依注讀  
衿之恐反

正義鄭氏康成曰列采正服振讀為衿禪也

孔疏振  
衿聲相

近論語當  
暑袗締紿

表裘外衣也二者形且裘

孔疏形謂其形  
露見裏謂可鄙

裘皆當表之乃出襲裘不入者衣裘必當裼也

方

氏慤曰正服則文采備焉故謂之列締紿為涼必有

表衣以蔽之惡裘也表裘固為溫必有正服以被之

惡簡也 陸氏佃曰五等采謂之列采猶五等爵謂之列爵能成列者也 吳氏澄曰裼裘者裼衣外之上服直其領而露出裼衣也 襲裘者裼衣外之上服曲其領而掩蔽裼衣也 非列采與裼裘同皆為其不文也 紗緺絡與表裘同皆為其不敬也

通論孔氏穎達曰檀弓云子游裼裘而弔曾子襲裘而弔皆謂裘上有裼衣裼衣之上有襲衣襲衣之上有正服但據露裼衣不露裼衣為異爾若襲裘不得

入公門也

縗為繻緼為袍禪為絅帛為褶

縗音曠繻古典反緼紆  
褶粉反又紆郡反絅告迥

反又音迴  
褶音牒

正義鄭氏康成曰繻袍衣有著之異名也縗新綿緼

舊絮也

孔疏鄭時以好者為綿惡者為絮

絅謂有衣裳而無裏褶謂

有表裏而無著

彭氏汝礪曰縗為繻者縗本是繻

為之緼為袍者以舊絮著於夾衣中故為袍此乃袍

之賤者子路衣敝緼袍是也袍字通上文縗為繻言

之若著以新綿則為袍之美者絅蓋單布衣褶以帛為之即夾衣內無纊縕褶之為言重也

總論余氏心純曰衣服在躬而不知其名為罔故以四時燕服之名因制而定者言之繭袍絅褶衣之名纊縕禪帛是制乃衣之所以得名也上二句是寒服下二句是溫服

朝服之以縞也自季康子始也孔子曰朝服而朝卒朔然後服之曰國家未道則不充其服焉

朝直  
遙反

正義鄭氏康成曰朝服而朝卒朔然後服之謂諸侯

與羣臣也諸侯視朔皮弁服

孔疏以上文皆云不入公門下云惟君有補裘

君衣狐白裘皆據諸侯禮也

方氏慈曰朝服以布不以純以緇

不以縞後世反之始乎季康子之失禮也禮不盛服

不充禮所以行道也故國家未道則不充其服焉此

亦孔子所言也彭氏汝礪曰案家語季康子朝服

以縞曾子問於孔子曰禮乎孔子曰君臣視朝上下

同服緇衣羔裘惟諸侯皮弁以告朔卒朔然後服縞

以視朝王肅注孔子惡指斥康子但言諸侯明朝服  
不用縞

存疑鄭氏康成曰朝服以縞亦僭宋王者之後

孔疏  
王制

殷人縞衣而養老燕服則為朝服宋是殷後故朝服以縞也

未道未合乎道謂若

衛文公者

陸氏佃曰卒朔卒告朔也告朔已然後退而聽朔

案告朔於廟退即聽朔於廟之門其事乃卒本屬一事亦無易服處

陸云告朔卒乃

聽朔亦小誤

方氏懿曰天子皮弁視朝玄端聽朔卒朔事然後視朝事故卒朔然後服朝服也

案家語言因視朔而視朝

然後服縞若常朝不可服縞非謂卒朔易朝服也方似小誤

唯君有黼裘以誓省大裘非古也

甫音

正義鄭氏康成曰僭天子也天子祭上帝則大裘而冕大裘羔裘也黼裘以羔與狐白雜為黼文省當為猶猶秋田也國君有黼裘誓猶田之禮 孔氏穎達曰君諸侯也禮唯許諸侯服黼裘以誓軍衆田獵不得服大裘冬始裘而秋田用黼裘者始誓殺須威也餘論陳氏祥道曰周禮獻皮以掌皮攻皮以裘氏獻

裘以司裘司裘為大裘以共王祀天之服中秋獻良  
裘季秋獻功裘鄭氏曰良裘因其良時而用之所謂  
黼裘與功裘人功微粗謂狐青麝裘之屬然則良裘  
其質羨功裘其功多良裘非特黼裘功裘非特狐青  
麝裘

存疑方氏憲曰省如字謂春省耕秋省斂 陳氏祥  
道曰祀天尚道故以大裘誓省尚義故以黼裘誓則  
前期十日大宰帥執事卜日遂戒是也省則前祭一

日大宰及執事眡滌濯宗伯大祭祀省牲眡滌濯是  
也司寇大祭祀納亨前王郊特牲卜之日王立於澤  
親聽誓命則王於誓省皆與之也先王制禮盥重於  
既薦幣貴於未將則禮常嚴於未然之前祭祀治官  
以治之刑官以涖之則義常肅於行禮之際則黼裘  
以誓省宜矣 鄭氏康成曰時大夫又有大裘也

孔疏

以經云唯君則知時臣亦為之

案黼為斧形取斷制之義於治軍秋殺為合故鄭以

音之近讀省為獮方釋以省耕省斂於斧義何取陳  
因鄭大裘祀天之說謂誓即郊之聽誓於澤省即郊  
前一日之省牲而黼裘以郊之誓省絕無可據且春  
秋時亦安有大夫以黼裘僭郊祀而誓省者記不斥  
其僭天子郊之大無禮而指其僭君黼裘之小失乎  
玩經意當是言諸侯唯以黼裘誓省而今以大裘誓  
省僭天子服耳鄭以大夫相形反支而窒

君衣狐白裘錦衣以裼之君之右虎裘厥左狼裘士不

衣狐白

衣於既反  
褐思歷反

正義鄭氏康成曰君衣狐白毛之裘則以素錦為衣

覆之使可褐也袒而有衣曰褐必覆之者裘蔽也詩

曰衣錦絅衣裳錦絅裳然則錦衣復有上衣明矣

孔疏

錦衣之上更有衣覆之以無正文故引詩案絅詩作聚昏禮作景加之以為行道禦塵及門則脫之矣

不當以証天子狐白之上衣皮弁服與

孔疏知皮弁服者狐白既白皮

弁服亦白錦衣亦白三者相稱也凡褐衣象裘色也

孔疏狐白裘用錦衣為褐狐青

裘用玄衣為褐羔裘用緇衣為褐是褐衣與裘色相近也右虎裘左狼裘衛尊者

宜武猛也士不衣狐白辟君也狐之白者少以少為貴也陳氏祥道曰狐白所以象德之成狐青所以象仁之發故狐白錦衣為人君之服狐青而下為君子之服言君子之服則大夫士同之也夫天下無粹白之狐而有粹白之裘則狐白裘天下之尤難得者右虎裘左狼裘則武士之衛君如手足之衛身也周官虎賁氏掌先後王而趨以卒伍旅賁氏掌執戈盾夾王車而趨左右皆八人然則君之左右蓋旅賁之

類也

案大司馬僕與車右亦分左右旅賁十  
六人則在車下者所謂夫王車是也

通論孔氏穎達曰天子視朝服皮弁服則天子皮弁  
之下有狐白錦衣也諸侯於天子之朝亦然故秦詩  
云君子至止錦衣狐裘此經云君則天子兼諸侯也  
下云士不衣狐白則卿大夫亦得衣狐白也其裼則  
不用錦衣熊氏云當用素衣為裼士既不衣狐白熊  
氏云用麌裘素裼也

存疑周氏謂曰衣裘之色雖以相稱為貴然狐青裘

加以玄絹衣白麝裘加以蒼黃之絞衣不必一色則  
冕服雖玄衣不害其加於狐白裘與狐青裘之上皮  
弁雖白布衣亦不害其加於黑羔裘之上

君子狐青裘豹袴玄絹衣以裼之麝裘青犴音岸裘絞衣以  
裼之羔裘豹飾緇衣以裼之狐裘黃衣以裼之錦衣狐  
裘諸侯之服也

豹包教反絹音消麝音戶交反

正義鄭氏康成曰君子大夫士也

孔疏上文已云君故知是大夫士

之裘

孔疏熊氏云六冕皆有裘此云玄謂六冕及爵弁也則天子諸侯皆然而云大夫士者君用純雜以豹裘

狐青大夫士 犬胡犬也絞蒼黃之色也孔子素衣麌

裘飾猶裘也孔子緇衣羔裘黃衣大蜡時臘先祖之

服

孔疏郊特牲黃衣黃冠而祭所以息田夫此息民謂之臘故月令孟冬臘先祖五祀是黃衣為臘先

祖之孔子黃衣狐裘非諸侯則不用錦衣為裼 孔

服

氏穎達曰以狐青為裘豹皮為裏用玄綃之衣以覆

裼之也

方氏懿曰錦衣以裼燕居之狐裘也玄綃

衣以裼祭祀之狐裘也黃衣以裼息民之狐裘也言

絳則錦衣以降褐皆用絳可知狐有青有白有黃前  
言青言白以與衣異故也此不言從其衣之黃可知  
麋裘為聽朔之服羔裘為視朝之服麋鹿子羔羊子  
於犴言喪則知豹之為飾亦喪矣喪言其體飾言其  
用

案論語褐衣必與裘色相稱而此微異或原不必一  
色者時人禮服之所同而必純一者聖人之所獨也  
至凡裘天子諸侯用全臣則飾異禮服確然詩於君

言羔裘逍遙於卿大夫言羔裘豹袖羔裘豹飾可據  
不得以犬羊之裘至賤不飾為難也

犬羊之裘不裼不文飾也不裼裘之裼也見美也弔則  
襲不盡飾也君在則裼盡飾也服之襲也充美也是故  
尸襲執玉龜襲無事則裼弗敢充也

見賢遍反

正義鄭氏康成曰犬羊之裘質略亦庶人無文飾故  
不裼裼主於有文飾之事君子於事以見美為敬也  
喪非所以見美故襲君在則裼謂臣於君所也充猶

覆也所敬不主於君則襲尸尊則襲執玉龜襲重寶瑞也無事則裼謂已致龜玉也 孔氏穎達曰案聘禮使臣行聘之時主於敬不主於文故襲裘至行享之時主於文故裼裘裘之裼者謂裘上加裼衣裼衣上雖加他服猶開露裼衣見裼衣之美以為敬也弔襲謂主人既小斂之後若未斂則裼裘檀弓子游裼裘而弔是也君在之時則露此裼衣盡其文飾之道以敬於君也服之襲充美也者此謂君之不在臣所

加上服掩襲裼衣覆蓋裼衣之美以君不在敬心殺  
故也凡敬有二體子於父以質為敬故於父母之所  
不敢袒裼臣於君以文為敬故於君所則裼若平敵  
以下亦襲以其質畧故所襲雖同其意異也尸處尊  
位無敬於下故襲也凡執玉得襲謂尋常執玉若聘  
禮執圭璋致聘則襲執璧琮行享雖玉亦裼也裼是  
享禮庭實之物執之亦裼若尋常所執及卜則襲敬  
其神靈也無事則裼謂已致龜玉在君之前不敢充

覆其羨也若不在君所無事則襲也 刘氏曰六冕

服皆黑羔裘禮惟云大裘而冕下冕皆不言裘

案下  
冕不

言裘者以大裘而冕則  
下冕皆裘不言而可知

方氏憇曰由內達外則有

裘而後有裼故於裼言裘自外至內則有服而後有

襲故於襲言服由內達外則出乎顯故曰見羨以示

其文自外至內則入乎隱故曰充羨以示其質 彭

氏汝礪曰前言羔裘有裼衣此羊裘不裼者羔乃羊

子貴者服之此羊裘賤也

存疑孔氏穎達曰皇氏云六冕及爵弁無裘先加明衣次加中衣冬則次加袍繭夏則不袍繭用葛次加祭服若朝服布衣亦先以明衣親身次加中衣冬則次加裘裘上加裼衣裼上加朝服夏則中衣上不用裘而加葛葛上加朝服熊氏云六冕及爵弁君以純狐青大夫士雜以豹裘謂之功裘內外諸侯朝服則以羔為裘不用狐青劉氏云禮惟云大裘而冕下冕皆不言裘案祭服無裘文無所出大裘上有衣則與

玄冕無異是以小祀與昊天服同二家皆非熊氏為勝方氏憲曰夫裘之上有裼衣裼衣之上有襲衣襲衣之上有正服則所謂裼者未嘗無裼由露其裼衣故謂之裼爾所謂襲者未嘗無裼由掩以襲衣故謂之襲爾

案皇氏祭服無裘說斷非也劉氏六冕皆羔裘証之周禮而合孔之袒熊據鄭大裘祭天而不知龍袞以祭記首明言大裘上有龍袞如何與玄冕無別詩言

羔裘逍遙狐裘以朝安見諸侯朝不可狐青乎白虎  
通云天子狐白諸侯狐黃大夫狐蒼士惟羔存以備  
一說 又案如方說則既襲矣美何從見必釋禮衣  
去襲衣而後美可見若裼衣而來亦必釋禮衣加襲  
衣而後美可充當行禮時不應若是煩擾疑只一衣  
直領左右襟皆有小衽衽相掩則襲屈衽藏之即裼  
如孝子露肩臂即袒納肩臂於袖即襲也

笏天子以球玉諸侯以象大夫以魚須文竹士竹本象

可也

球音求須崔陸音班孔陳如字文孔陳去聲崔陸平聲

正義鄭氏康成曰球美玉也

孔疏案釋地云西北之美者有崑崙墟之璆琳

琅玕焉璆琳美玉球與璆通

文猶飾也大夫士飾竹以為笏不敢

與君並用純物也孔氏穎達曰自此至去一節

明天子以下笏所用之物並明用笏之事及閭狹長

短魚須文竹庾氏云以鮫魚須飾竹以成文士以竹

為本質以象牙飾其邊緣言可者通許之辭陳氏

祥道曰玉德之美象義之辨竹禮之節天子尚德諸

侯貴義大夫士則循禮而已此笏所以異也大夫近尊而其勢屈士遠尊而其禮伸此飾所以異也 馬氏晞孟曰象也者馴物也諸侯之在外以順為行故其笏用象大夫士皆事人者也事人者以貞固為節故其笏用竹

存疑盧氏植曰大夫以魚須及文竹為笏 崔氏靈恩曰用文竹及魚班 陸氏德明曰以魚班飾文竹之邊 陸氏佃曰竹有節而已大夫則又有文焉士

以竹本為正若或用象亦許故曰象可也 陳氏祥

道曰象諸侯所以為笏者士卑而伸故飾笏用馬先

儒謂以象飾其本誤矣 應氏鏞曰爾雅魚曰須蓋

魚之所以鼓息者在須故也 吳氏澄曰文者其飾

也本者其質也俱飾竹也互言之爾大夫竹質而魚

須為之飾士象飾而竹為之質也 陳氏皓曰陸氏

音須為班而疏引庾氏說與應氏說相近宜讀如字

案魚須文竹古制莫考盧氏崔氏以魚須文竹為二

物陳氏陸氏則以魚皮飾竹應氏吳氏則以魚須飾竹或有謂笏首刻魚須形以為飾皆無徵姑並存其說士亦以竹為笏而以象飾其本可也

見於天子與射無說笏入大廟說笏非禮也小功不說笏當事免則說之既搢必盥雖有執於朝弗有盥矣凡有指畫於君前用笏造受命於君前則書於笏笏畢用也因飾焉說本又作稅同他活反免音問畫呼麥反造七報反

正義鄭氏康成曰言凡吉事無所說笏

孔疏凡者非之一之辭下文

小功不說則大功以上皆說之故云惟吉事無所說笏也

太廟之中惟君當事說

笏免悲哀哭踊之時不在於記事也小功輕不當事

可以搢笏搢笏輒盥為必執事也畢盡也孔氏穎

達曰天子尊極恐臣畏懼不敢執笏故特言見於天

子明臣見君無不執笏也笏所以記事射所以正威

儀太廟之中雖當事之時亦執笏也君入太廟當事

則說笏時臣驕泰僭放於君當事亦說笏故記者明

其非禮既搢笏於帶必盥洗其手謂須預潔淨於後

雖有執事於朝不須盥矣以其初盥已畢也造詣君前而受命則書記於笏笏畢用者謂事事皆用笏記之故因而飾以為上下等級焉 陸氏佃曰見於天子執贊大宗伯公執桓圭侯執信圭是也射亦執贊射人三公執璧孤執皮帛是也雖有所執猶有所搢故曰見於天子與射無說笏 陳氏祥道曰小功則禮可以勝情故不說當事而免則事可以勝禮故說之 方氏憲曰指指其事之意而定之畫畫其事之

分而籌之皆不敢徒手而為之嫌大憝也書已之思  
則記之將以獻乎上書君之命則記之將以行乎下  
也此笏所以為畢用與

笏度二尺有六寸其中博三寸其殺六分而去一去起反

聲殺去

正義孔氏穎達曰云其中博三寸明上下二首不博  
三寸也

存疑鄭氏康成曰殺猶杼也

孔疏案玉人云天子杼上此云殺故知殺猶杼

天子杼上終葵首諸侯不終葵首孔疏以玉人云天子終葵首則諸侯  
不終葵首可知大夫士又杼其下首廣二寸半 孔氏穎達曰天子諸侯上首廣二寸半其天子椎頭不殺也惟笏中央同博三寸天子諸侯從中以上稍稍漸殺至上首六分三寸而去其一餘有二寸半在大夫士又從中以下漸漸殺至下首亦六分而去一諸侯既南面之君同殺其上大夫士北面之臣宜俱殺其下也辨正王氏炎曰大圭天子服之非臣下所得用笏則

自天子諸侯至大夫士皆有之其非大圭明矣鄭以下皆殺也其殺六分去一則上下皆二寸半也又安知天子諸侯殺其上大夫士殺其下乎

而素帶終辟大夫素帶辟垂士練帶率下辟居士錦帶

弟子縞帶

辟鄭讀裨下同率音律下同

正義鄭氏康成曰而素帶終辟謂諸侯

陳氏浩曰而字下脫諸侯

字諸侯不朱裏合素為之如今衣帶為之下天子也

大夫亦如之率綽也士以下皆禪不合而綽積如今作櫟頭為之也辟讀如裨冕之裨裨謂以繪采飾其側人君充之孔疏充滿也天子諸侯飾帶從首及末偏滿皆飾大夫裨其紐及末士裨其末而已居士道藝處士也此亂脫在是宜承朱裏終辟 孔氏穎達曰自此以下至皆從男子明帶及韞鞶及王后以下衣服等差上下爛脫今一依鄭注為先後此章總論帶之義也諸侯以素為帶不以朱為裏亦用朱緣終裨士熟帛練為帶用

禪帛兩邊縕而已縕謂綆緝也下辟者帶垂者必反屈嚮上又垂而下大夫則總皆裨之士則惟裨嚮下垂者居士用錦為帶尚文也弟子用生綷為帶尚質也方氏憇曰凡帶繚於要者為鞶垂於前者為紳天子諸侯終辟則自輦至紳皆辟也大夫辟垂於鞶則否士下辟則紳之下而已於上則否也降殺之異如此至於以潔白約其身無貴賤一也居士有由中之良貴則服錦帶以象之弟子有受道之素質則服

縕帶以象之惟其稱也 陳氏祥道曰天子至士帶皆合帛為之或以素或以練或終辟或辟垂或下辟其飾或朱綠或玄華蓋素得於自然練成於人功終辟則所積者備辟垂下辟則所積者少居士錦以其有備成之文也鄉飲酒禮主人就先生而謀賓介鄭謂賓介處士也鄉射禮徵惟所欲以告於先生君子鄭云君子處士也此蓋處士之未仕者與

存疑孔氏穎達曰大夫素帶不終裨但以玄華裨其

身之兩旁及屈垂者

案此與正義不符

案此及下三寸長齊於帶至紳韁結三齊又大夫大  
帶至無箴功又肆束及帶至擁之鄭注俱謂為亂脫  
宜各有所承孔疏亦謂當依鄭注為先後二家之說  
如此然猶存記文之舊而不之改先儒闕疑承誤之  
意有固然耳陳氏集說遽依鄭注改攢仍無一語申  
明改攢之意若記文次第本如是者然似非儒者存  
經之義且據此注謂自而素帶亂脫在是宜承朱襄

終辟是明謂此節宜在天子素帶朱裏終辟之下非謂天子素帶八字宜在此而素帶之上也集說乃移天子句於此而以而素帶終辟承之則從鄭說中又自以臆為次第也昔朱子注易移天一地二二十字於繫傳第九章之首此在大儒則可至蔡氏改武成則仍存本文加注而以考定武成附其後蓋不敢毅然以刪定自任也下此者而欲以朱子為例其去愈王五家之割裂周官經者幾何謹照原文次第而載

鄭說以明之學者亦可得其大槩矣

并紐約用組

紐女  
久反

正義孔氏穎達曰并並也紐謂帶之交結處約者以物穿紐約結其帶天子以下至弟子之等其所紐約之物并用組為之

韓君朱大夫素士爵韋圜殺直天子直公侯前後方大夫前方後挫角士前後正

韓音必圓音圓殺去聲挫作臥反

正義鄭氏康成曰此玄端服之韓

孔疏案士冠禮玄端玄裳黃裳雜裳

爵韞謂士玄端之韞此云韞之言蔽也凡韞以韋為士爵韋故知是玄端之韞

之必象裳色則天子諸侯玄端朱裳

孔疏以韞從裳色若祭服則君

大夫士同  
縗裳也

大夫素裳

孔疏大夫玄端素裳故素韞

惟士玄裳黃裳

雜裳也皮弁服皆素韞

孔疏士冠禮皮弁服素韞云皆者君與大夫士皮弁皆然

圜殺直目韞制也天子四角直無圜殺公侯殺四角

使之方變於天子也所殺者去上下各五寸大夫圜

其上角變於君也韞以下為前以上為後士賤與君

同不嫌也正直方之間語也

孔疏正謂不袞也直而不袞謂之正方而不袞

亦謂之正故  
云直方之間

孔氏穎達曰圜則大夫前方後挫角

謂挫上角使圜不令方也殺則諸侯前後方謂殺四  
角上下各去五寸所去之處以物補飾之使方也直  
則天子直是也 陳氏祥道曰天子之韁直其會龍  
火與山諸侯前後方其會火以下大夫前方後挫角  
其會山而已鄭氏謂山取其仁火取其明龍取其變  
天子備焉諸侯火而下卿大夫山士鞶韁 方氏憲  
曰韁以韁為之一而已士言爵韁者舉卑以見尊也

曰君則兼天子諸侯言之矣然詩以赤芾為諸侯之服者蓋諸侯之在國則朱黻以存臨下之仁在朝則赤黻以示事上之禮故也天子體天以臨下故直諸侯法地以事上故方於方言前後則直亦前後可知所謂直則必方矣所謂方則未必直也此其所以為殺與

通論孔氏穎達曰知朱韞非祭服韞者若其祭服則天子諸侯祭服玄衣纁裳其韞則君與大夫士無別

同是赤色何得云大夫素士爵韋且祭服之韠大夫  
以上謂之駁士爵弁謂之韎韐不得稱韠故知非祭  
服也 陳氏祥道曰士冠禮於皮弁玄端皆言韠於  
爵弁言韎韐詩於素韠言韠於朱芾赤芾乃言芾是  
韠者芾之通稱而芾與韎韐異其名所以尊祭服也  
君韠雖以朱而諸侯朝王亦赤芾詩曰赤芾在股赤  
芾金舄是也士雖以爵凡君子之齊服皆爵韠記曰  
齊則綉結佩而爵韠是也采芑言方叔之將兵駁以

朱瞻彼洛矣言作六師而鞬以鞬韜者蓋兵事韜弁  
服韜弁服纁裳故貴者以朱芾卑者以鞬韜鞬韜即  
所謂緼鞬 陳氏浩曰詩疏曰古者佃魚而食因衣  
其皮先知蔽前後知蔽後後王易之以布帛而猶存  
其蔽前者重古道不忘本也士服爵弁以鞬韜配之  
則服冕者以芾配之

餘論成氏伯璵曰古者鞬鞬用皮今用絲以代之故  
其字從絲也

總論孔氏穎達曰此總明韞轂上下尊卑之制案雜記云會去上五寸紝以爵韋六寸不至下五寸紝以素綯以五采會謂上領縫也領之所用蓋與紝同鄭此言即上去五寸是領也以爵韋為領其會之下兩邊皆紝以爵韋表裏各三寸下所云五寸紝所不至者紝以素綯以五采也韞制大畧如此或據禮圖形如要鼓以今參驗不附人情 吳氏澄曰韞之制長三尺上廣一尺下廣二尺天子自上之左右角廣一

尺處斜裁至下之左右角廣二尺處盡其所裁一直而無所屈故曰直諸侯自上之左右角正裁而下至五寸止止處亦廣一尺自下之左右角正裁而上至五寸止止處亦廣二尺又自上五寸之下廣一尺處斜裁至下五寸之上廣二尺處止上下各有五寸皆不斜裁故方大夫自下之左右角正裁而上至五寸止止處廣二尺就此廣處左右皆斜裁之至上左右角廣一尺處盡其上端之左右及左右之兩邊各剗

一寸去其兩角其下端裁方與諸侯同上端不裁方  
但剡其兩角而已故圜士之下端左右角亦裁方上  
至五寸而止止處廣二尺亦就止處斜裁至上端廣  
一尺處盡如大夫但不剡圜二角蓋後直而前方故  
曰前後正上端用爵韋橫紩表裏各五寸中間長二  
尺亦用爵韋紩其左右二邊表裏各廣三寸其下端  
用生帛橫緣表裏各五寸其四角領紩邊紩下緣相  
接處用五采之紬斜襯其兩緣之交會處

存疑鄭氏康成曰天子之士則直諸侯之士則方

陸氏佃曰朱爵弁之韠素皮弁之韠爵玄端之韠君

主爵弁大夫主皮弁士主玄端

韠下廣二尺上廣一尺長三尺其頸五寸肩革帶博二寸

寸

頸古井反  
又吉成反

正義鄭氏康成曰頸五寸亦謂廣也頸中央肩兩角

皆上接革帶以繫之肩與革帶廣同

孔疏以上下及肩與革帶俱二寸

凡佩繫於革帶

孔疏以韠繫於革帶恐佩繫於大帶故云然以大帶用紐約其物細小不

堪懸韁  
佩故也

方氏穀曰肩兩角也以在兩旁如人之肩

也以繫於帶故並言革帶之博焉 吳氏澄曰中頸

廣五寸左右肩各廣二寸頸至左右肩中間相去各

五寸合為一尺與韁之上端同廣 成氏伯璵曰中

紐謂之頸以皮為之兩邊紐謂之肩皆穿於革帶者

存疑陳氏祥道曰雜記云會去上五寸又云不至下

五寸其中餘二尺也則韁之頸肩在上自頸肩而下

其身也鄭氏別以其身之五寸為頸而會為頸縫是

肩在頸上矣

案鄭云皆上接革帶是亦以頸肩在上而未嘗以其身之五寸為頸也且孔氏申之云其上下及肩與革帶俱二寸是合頸下言之則五寸其實則二寸也其云中央者對兩肩言之耳陳氏誤認而辨之方氏誤認而附之乃謂上下皆大而中特小是豈知形如要鼓孔氏固已斥之矣革帶博二寸與雜帶同廣義或然也

大夫大帶四寸雜帶君朱綠大夫玄華士緇辟二寸再  
繚四寸凡帶有率無箴功

正義鄭氏康成曰雜猶飾也即上之裨君裨帶上以

朱下以綠終之

孔疏熊氏云據要為正朱是正色故在上綠是間色故在下

大夫

裨垂外以玄內以華華黃色也

孔疏熊氏云遠人為外近人為內玄是天

色故在外以華對玄故以外爲黃黃是地色故在內也

士裨垂之下外內皆以緇

是爲緇帶

孔疏士既練帶而士冠禮謂之緇帶據韞言之韞之內外皆用緇也案疏所謂

謂裨也

大夫以上以素皆廣四寸士以練廣二寸

再繚之凡帶有司之帶也亦綽之如士帶矣無箴功  
則不裨之士雖綽帶裨亦用箴功凡帶不裨下士也  
此又亂脫在是宜承紳繫結三齊 孔氏穎達曰大  
夫大帶四寸謂合素為之廣四寸士用單練廣二寸  
再度繞腰亦四寸有率謂其帶既裨亦以箴縷緝其  
側但綽襍之而已無別裨飾之箴功 方氏憲曰言  
雜帶則知素帶之為純言素帶則知雜帶之為采矣  
存疑陸氏佃曰綠木之間華土之間先儒謂五間綠

紅碧紫騧華即騧也雜帶二寸再繚四寸雜帶之二

當大帶之一

案大帶正服之帶雜帶雜服之帶謂燕私所用正服之帶皆素雜服之帶則天子諸侯有朱有綠大夫有玄有黃士則惟緇而已尊者明卑者闇也大夫以上廣四寸故言大士廣二寸故不言大陸謂雜帶皆二寸恐未然

一命緼鞶幽衡再命赤鞶幽衡三命赤鞶葱衡

緼音溫  
鞶音弗

幽為  
讀黝

正義鄭氏康成曰此玄冕爵弁服之韞

孔疏上是玄端之韞此韞

異於尊祭服異其名耳

孔疏他服稱韞祭服稱駁是異其名

駁之言亦

駮也纁赤黃之間色所謂韞也

孔疏士冠禮爵弁韞

蓋以蒨草染之其色淺赤則纁為赤黃之間色

衡佩玉之衡也幽讀為黝黑

謂之黝青謂之蕙

孔疏周禮牧人陰祀用黝牲又孫炎注爾雅云黝青黑蕙則青之異

色周禮公侯伯之卿三命其大夫再命其士一命子

男之卿再命其大夫一命其士不命

孔疏公之卿玄冕侯伯之卿緋

冕

陳氏祥道曰緼則其色雜雜則賤故於士言之赤則其色純矣純則貴故於卿大夫言之方氏憲曰緼赤黃之色緼者藏也一命其黻用緼以見雖有所緼未足以發見而著明也再命三命爵位漸隆足以發見而著明矣故其黻用赤焉

辨正陳氏祥道曰黻不獨祭服也服其命服朱芾斯皇見於方叔赤芾金舄又歌於會東都之諸侯禮曰君朱大夫素士爵韋又曰赤黻幽衡赤黻蕙衡若朝

服也然主人玄端素韞於廟門之內以筮日則見於士冠禮之初而緇衣則爵韞皮弁則素韞又序於士冠禮三加之際則韞不得為朝服也

案韞鞶無別朝祭命數亦不專據侯國也特以一再三命定繙赤并衡之幽蕙耳言三命則上者可知而不虞無別者形則圜殺直此經是已會則龍火山明堂位是已

天子素帶朱裏終辟

正義鄭氏康成曰天子素帶謂大帶也 孔氏穎達  
曰天子以素為帶用朱為裏終竟帶身在要及垂皆  
禕故曰終辟 方氏慤曰帶之體用素示有潔白之  
德約其身帶之裏用朱示有含陽之德密於心

王后禕衣夫人揄狄

禕音翬許反下  
同揄音搖狄同翟

正義鄭氏康成曰禕讀如翬揄讀如搖翬搖皆翟雉  
名也 孔疏爾雅釋鳥伊雛而南素質五色皆備成  
章曰翬江淮而南青質五色皆備成章曰搖刻  
縉而畫之著於衣以為飾因以為名也夫人三夫人

孔疏王后夫人其文相次故以夫人為三夫人亦侯伯之夫人也

案鄭注周禮內司服

侯伯夫人榆狄子男之夫人閼狄

孔氏穎達曰此至從男子論王

后以下命婦之服禕衣畫翬於衣六服之最尊也狄

讀如翟

通論鄭氏康成曰王者之後夫人亦禕衣

孔疏王者之後與天

子同故祭其先王亦禕衣也若祭先公則降焉魯祭周公其夫人亦禕衣故明堂位云君袞冕立於阼夫

人副禕立於房中

孔氏穎達曰鄭注內司服云禕衣畫翬

榆狄畫搖闕翟刻而不畫從王祭先王則服禕衣祭

先公則服渝狄祭羣小祀則服闕翟鞠衣黃桑服也  
色如鞠塵服之以告桑展衣以禮見王及賓客祿衣  
御於王之服闕狄赤搖翟青禕衣玄鞠衣黃展衣白  
祿衣黑其六服皆以素紗為裏 陳氏祥道曰九者  
陽之窮故王之吉服九六者陰之終故后之吉服六  
王之服九而祭服六后之服六而祭服三以婦人不  
預天地山川社稷之祭故也王之服衣裳之色異后  
之服連衣裳而其色同以婦人之德本末純一故也

王之服禪而無裏后之服裏而不禪以陽成於奇陰  
成於偶故也崔靈恩謂王后三翟數皆十二三公而  
下夫人雉數如命數於理或然 方氏憲曰言禕衣  
則知揄之為衣言揄狄則知禕之為狄鞠衣而下不  
言狄則以不畫狄故也六服之制上得以兼下下不  
得而僭上后之禕衣至尊之所獨揄狄則諸侯公夫  
人之所同狄之為性交有時別有倫守死而不犯分  
婦德所宜以至后之五路皆重翟其義亦若是而已

存疑孔氏穎達曰三夫人與三公同對王為屈三公執璧與子男同則三夫人亦當與子男夫人同故鄭注司服云三夫人及公之妻其屈狄以下乎為兩解之也 方氏憇曰三夫人屈狄與三公在朝鷩冕同義

案本文言夫人揄狄蓋合三夫人及侯伯夫人言之不應謂三夫人降於侯伯之夫人也司服注本疑辭不足為據且射人三公之璧本與子男之璧不同三

公縱屈於王豈有全同子男之理

三寸長齊於帶紳長制士三尺有司二尺有五寸子游  
曰參分帶下紳居二焉紳韁結三齊

正義鄭氏康成曰三寸謂約帶紐組之廣也長齊於  
帶與紳齊也紳帶之垂者言其屈而重也孔疏解垂  
帶名紳之

意論語曰子張書諸紳有司府吏之屬也三分帶下  
而三尺則帶高於中也結約餘也此又亂脫在是宜  
承約用組結或為衿孔氏穎達曰組闊三寸長齊

於帶者約紐組餘長三尺與帶垂者齊紳謂帶之垂者紳重也重屈而舒申其制士長三尺有司長二尺五寸引子游之言以證紳之長短人長八尺大帶之下四尺五寸分為三分紳居二分長三尺也紳韁結三齊者紳謂紳帶韁謂蔽膝結謂約紐餘組三者俱長三尺故云三齊也 方氏慤曰有司欲其便於趨走故特去其五寸

案帶有當心上者有當腰者自心上至腰一尺五寸

腰以下三尺紳指自腰以下者故曰三分帶下紳居二焉

君命屈狄再命禕衣一命禮衣士祿衣禕依注作鞠禮張戰反祿土亂

反

正義鄭氏康成曰屈周禮作闕謂刻縉為翟不畫也

此子男之夫人及其卿大夫士之妻命服也

孔疏典子

男之卿再命其大夫一命其士不命此云再命禕衣一命禮衣士祿衣又承闕狄下正與子男同故知據

子男夫人及卿大夫士之妻也

禕當為鞠字之誤也

孔疏禕衣是王后之服故疑當

鞠子男之卿再命而妻鞠衣則鞠衣禮衣祿衣者諸

侯之臣皆分為三等其妻以次受此服也

孔疏明諸侯臣之妻

唯有三公之臣孤為上卿大夫次之士次之  
等之服

孔疏此謂上公

臣為侯伯子男之臣卿為上大夫次之士次之

孔疏此是亦

三等祿或作稅孔氏穎達曰禮展也子男之士不命

其妻服祿衣鄭注士喪禮祿之言緣黑衣裳以赤緣

之陳氏祥道曰周官內司服辨外內命婦之服鞠

衣展衣緣衣鄭氏以為內命婦之服鞠衣九縕也展

衣世婦也緣衣女御也外命婦者其夫孤也則鞠衣卿大夫也則展衣士也則緣衣

通論范氏鍾曰王后而下服分六等各視其夫爵以位為之隆殺也世婦而上各分六等由君而命以德為之隆殺也唯世婦命於奠繭昭婦功也其他皆從男子昭婦順也六宮之內后親蠶世婦以下皆分繭稱絲效功以共冕服百官之衆夫尊於朝婦榮於室位高而後身顯無敢覩覩一衣服之間區別如此安

有不稱其服者乎如是然後家齊而國治

存疑鄭氏康成曰君女君也

孔疏女君謂后

禮天子諸侯命

其臣后夫人亦命其妻以衣服所謂夫尊於朝妻榮

於室也

孔疏子男之妻不得受天子之命受后之命

存異陸氏佃曰屈狄其夫五命之服也蒙上又兩加  
命是為九命所謂再命祿衣者此歟不言五命屈狄  
而言君命著君命以竒自五而加焉一加為七命又  
一加為九命矣士一命其妻祿衣若加一命是為大

夫則其妻服禮衣所謂一命禮衣者此歟據侯伯之卿三命其大夫再命其士一命

案鄭說下禕當作鞠甚是陸氏讀如字而以經文一命再命為加命謂子男之夫人加命服誤也如其說則子男妻五命屈狄加一命而六則揄翟加再命而七則禕衣乃可通耳加一命乃禮衣何說耶君命王命也獻繭之禮世婦先奉繭示王乃獻后則必王命之而后傳王命以命之也獨於子男之夫人言之者

其上則后夫人屬君其下則卿大夫士為臣於此言  
君命則上與下該矣經曰君命尊王也記曰夫人之  
不命於天子自魯公始則夫人固命於王不命於后  
可知

唯世婦命於奠繭其他則皆從男子

正義鄭氏康成曰奠猶獻也

孔疏凡獻物必先奠於地

凡世婦以

下蠶事畢獻繭乃命之以其服天子之后夫人九嬪  
及諸侯之夫人夫在其位則妻得服其服矣 孔氏

穎達曰世婦謂天子二十七世婦以下也

存疑孔氏穎達曰凡夫尊於朝妻貴於室皆得各服其命服今唯世婦及卿大夫之妻雖已被命猶不得即服命服必又須經入助蠶蠶畢獻繭繭多功大君親命之著服乃得服爾故曰命於奠繭世婦以下女御亦然其他不須奠繭之命其夫得命其妻得著命服故曰皆從男子

案禮天子諸侯娶一國則二國媵之皆以姪娣從一


女為嫡為妻天子稱后諸侯稱夫人一女為左媵一女為右媵皆為貴妾天子及諸侯俱稱妃或與后夫人通稱三妃亦曰三夫人蓋夫者扶也取扶助人之義故王后亦可稱夫人周宣王稱姜后曰夫人周官漿人供夫人致飲于賓客之禮掌客夫人致禮玉人諸侯以享夫人夫人以勞諸侯是也一嫡二媵各以姪娣從天子一娶十二女則各從姪娣三人凡九人謂之九嬪禮所謂嫡姪娣左媵姪娣右媵姪娣是也后

妃及嬪所從侍女嫡四人左右媵各三人凡十人謂之女御周官女御掌服二人掌縫八人是也俱屬於九嬪教之故亦稱九御周語所謂內官不過九御也三夫人九嬪不必奠繭而後命其命于奠繭者唯世婦耳但二十七世婦有本先君宮人而為世婦者或有從女御之賢而加命者此內世婦之命于奠繭者也若卿大夫之妻為外世婦則視其夫之爵以為差所謂其他則皆從男子亦必因奠繭而命也周禮天

官九嬪舉數世婦不舉數春官世婦乃舉數然總之  
不過二十七人止矣天官世婦不言數內恒少也春  
官言每宮卿二人大夫四人上士八人則當賓祭時  
所用相禮之數非實有八十四世婦也



欽定禮記義疏卷四十二



總校官庶吉士臣侍朝

校對官檢討臣陳夢元

臣

謄錄監生臣王日枝

欽定四庫全書會要

欽定禮記義疏卷四十三

經部

詳校官編修臣程嘉謨



欽定四庫全書  
欽定禮記義疏卷二千五百六

經部

玉藻第十三之三

執持於君紳垂足如履齊頤雷垂拱視下而聽上視帶

以及祫聽鄉任左

齊音咨本又作齊頤以支反雷力救反祫居業反鄉許亮反

正義鄭氏康成曰紳垂則磬折也齊裳下緝也祫交領也孔氏穎達曰謂臣侍君法也凡者臣無貴賤

皆然紳大帶也身直則帶倚磬折則帶垂身折則裳

前下緝委地故行則足恒如踐履裳下也雷屋簷身  
俯故頭臨前垂頤如屋雷垂拱者拱沓手也身俯則  
宜手沓而下垂也視下者視高則傲故下矚也聽上  
謂聽尊者語宜諦聽視帶以及祫者視尊者之處也  
視君之法下不過帶高不過祫故曲禮云凡視上於  
面則傲下於帶則憂是也聽上及聽鄉任左皆備君  
教使也鄭注少儀曰立者尊右則坐者尊左也侍君  
之時君坐故侍者在右是以聽鄉皆以左為任謂以

左耳近君也 輔氏廣曰垂而必拱不盡垂也

存異孔氏穎達曰仰頭而面鄉上以聽之

案視下聽上只承頤畱垂拱總言其身容之俯蓋人之耳目本平頭俯則見其目卑而耳高視下而聽上矣孔反謂仰面非也

凡君召以三節二節以走一節以趨在官不俟屢在外不俟車

正義鄭氏康成曰節所以明信輔君命也使使召臣

急則持二緩則持一周禮曰鎮圭以徵守

孔疏典瑞文謂徵召

守國諸侯以鎮圭

其餘未聞今漢使者擁節

案周禮地官掌節掌守邦節而外有九室

輔王命以辨其用

官謂朝廷治事處

案考工記之此其地也

俟者趨君命也必有執授之者

孔氏穎達曰此論

臣被君召之儀節以玉為之若使召臣隨事緩急急

則二節臣故走緩則一節臣故趨也外謂其室及官

府也在官近不須車故言屢在外遠故云車庾氏曰

謂急緩不出於三耳不謂節盡於三也應氏鏞曰

豈終跣足而徒步哉倉猝承命而屢與車隨之而後耳余氏心純曰以趨以走一節二節之所異不俟屢不俟車一節二節之所同皆敬承君命也

通論方氏憲曰孟子言旌以招大夫旂以招士皮冠以招虞人皆召以節之義也凡趨疾於行走又疾於趨

案君召以節為信節以三為度禮也然臣之奉君命弗遑不待三也雖二節以走矣不惟二也即一節以

趨矣

士於大夫不敢拜迎而拜送士於尊者先拜進面答之  
拜則走

正義鄭氏康成曰不敢拜迎者禮不敵始來拜則士

辟也

孔疏大夫詣士禮既不敵故士不敢迎而先拜大夫雖拜士則辟之

士往見卿大

夫卿大夫出迎答拜亦辟也

孔氏穎達曰此明士於

尊者之法而拜送者按儀禮鄉射鄉飲酒公食聘禮  
但是主人送賓皆再拜賓不答拜鄭注云禮有終故

也士於尊者謂士詣卿大夫即先於門外拜之拜竟乃進面親相見也答之拜則走者若大夫出門而答拜士士走辟之也 輔氏廣曰拜迎則勞尊者之答已拜送則盡已之敬

存疑方氏懿曰尊者不必大夫凡在已上者皆是士於君所言大夫歿矣則稱謚若字名士與大夫言名士字大夫

正義鄭氏康成曰君所大夫存亦名 孔氏穎達曰

此論士於君及大夫之所言羣臣之法君前臣名若大夫已歿而士於君前則稱謚無謚則稱字士賤雖已死猶呼名若士與大夫言及他大夫士士呼名大夫呼字若大夫士卒則字士謚大夫 應氏鏞曰大夫歿而舉謚與字所以體君尊賢貴賤隱卒崇終之心也 陸氏佃曰春秋書孔父夷伯此歿矣則稱字之證

案君所與大夫所異其地也言大夫言士異其人也

言大夫同而或歿或生異其時也禮即因之異惟其宜與稱耳士與君大夫言名士自卑其類也與大夫言不名大夫敬大夫之類也

於大夫所有公諱無私諱凡祭不諱廟中不諱教學臨文不諱

正義鄭氏康成曰公諱若言語所避先君之名祭廟不諱謂祝嘏之辭中有先君之名者凡祭羣神廟中上不諱下孔疏有事於祖則不諱父有事於父則諱祖教學臨文不諱為

惑未知者 孔氏穎達曰士及大夫言但諱君家不  
自私諱父母敬大夫故不重敬也教學即師長也若  
諱則疑誤後生臨文謂簡牒及讀法律之事諱則失  
於事正

通論方氏慤曰曲禮言君所此止言大夫舉卑以見  
尊也此言教學曲禮不言以詩書見之也凡祭則廟  
在其間而重言之者廟中上不諱下與凡祭異也曲  
禮不言凡祭舉親以見疏也

案禮入門而問諱敬人之親猶已之親以廣孝也是  
入大夫之門必諱大夫之諱即入士之門亦必諱士  
之諱矣而於君所無私諱者當君之前稱已之祖父  
必曰先臣某雖已易名不敢稱謚以尊君也若他大  
夫既歿則稱謚若字矣在大夫之所當大夫之諱而  
曰於大夫所有公諱者君之諱必諱之君之尊無往  
而不在也至他大夫之諱似可不諱然大夫尊亦不  
斥其名故曰於大夫所字大夫也若士之所則亦諱

士之諱若於君於大夫所雖此士在不諱之士卑也  
孔釋私諱為自父母甚明而宋元諸儒必曰大夫之  
諱皆不諱何耶

存異孔氏穎達曰崔云無私諱謂伯叔之謂耳若至  
親則不得言

古之君子必佩玉右徵角左宮羽趨以采齊行以肆夏  
周還中規折還中矩進則揖之退則揚之然後玉鏘鳴  
也故君子在車則聞鸞和之聲行則鳴佩玉是以非辟

之心無自入也

徵張里反趨七須反本又作趣齊鄭作  
薺疾私反還旋通中竹仲反折之設反

辟辟通  
七羊反

正義鄭氏康成曰君子士已上也玉比德焉

孔疏詩秦風言

念君子溫其如玉聘義溫潤而澤仁德也至孚尹旁達信也是王以比德也

徵角宮羽謂玉

聲所中也齊當為楚齊之薺采齊路門外之樂節

孔疏爾惟

路寢門外至應門謂之趨於此趨時歌采齊詩為節

至應門謂之趨

孔疏爾惟宮中謂之

時堂上謂之行堂下謂之步中庭謂之走大路謂之奔此對文耳若總言之門內謂之行門外謂之趨

肆夏登堂之樂節

孔疏路門內至堂謂之行於此行時歌肆夏詩為節

周還反

行也宜圜

孔疏反行謂到行反而行假令

折還曲行也

宜方

孔疏曲行謂屈曲而行假令從北嚮南或從南嚮北

揚之謂小仰見於後也

孔疏郤退遷行則身

微鋗聲貌鸞在衡和在式

孔疏韓詩外傳文此謂平常所乘之車若田獵之車

則鸞在馬蹻故秦詩注云置鸞於蹻異於乘車

自由也

孔氏穎達曰自此

以下廣明佩玉之事

聶氏崇義曰舊圖上有雙衡

長五寸博一寸下有雙璜徑二寸衝牙長三寸

朱

子曰上橫曰珩下繫三組貫以螭珠中組之半貫一

大珠曰瑀末縣一玉兩端皆銳曰衝牙兩旁組半各  
縣一玉長博而方曰琚其末各縣一玉如半璧而內  
向曰璜又以兩組貫珠上繫珩兩端交貫於瑀而下  
繫於兩端行則衝牙觸璜而有聲也 方氏憲曰中  
規仁也中矩義也環佩以玉為之陽精之所生鸞和  
以金為之陰精之所成陽主仁陰主義君子存心以  
仁故行則鳴佩玉制事以義故在車則聞鸞和之聲  
有仁義則所習者是所從者正是以非辟之心無自

入也心內也而言入何哉蓋心雖在內有物探之而出及其久也則與物俱入矣朱子曰周還是直去却回來其回轉處欲其圜如規也折還是直去了復橫去如曲尺相似其橫轉處欲其方如矩也又曰五音無一則不成樂非無商音但無商調先儒謂商調是殺聲也吳氏澄曰徵謂聲中林鐘角則中姑洗也宮謂聲中黃鐘羽則中南呂也林鐘為徵陰聲之首故居右徵三變生角角閼二律與徵近故以徵

配角黃鐘為宮陽聲之始故居左宮三變生羽羽閒  
二律與宮近故以羽配宮

通論孔氏穎達曰鄭注樂師云行謂於大寢之中趨  
謂於朝廷然則王出既服至堂而肆夏作出路門而  
采薺作其反入至於應門路門亦如之此謂步迎賓  
客王如有車出之事登車於大寢西階之前反降於  
阼階之前陳氏祥道曰書傳曰天子左五鐘右五  
鐘出撞黃鐘右五鐘皆應然後大師奏登車告出也

入撞蕤賓左五鐘皆應然後少師奏登堂就席告入也周禮樂師行以肆夏趨以采齊自其出言之出撞陽鐘而陰鐘應之動而節之以止則無過舉入撞陰鐘而陽鐘應之止而濟之以動則無廢功所謂禮樂不可斯須去身者此也古之君子必佩玉其色有蒼白赤之辨其聲有角徵宮羽之應其象有仁智禮樂忠信道德之備或結或垂所以著屈伸之理或設或否所以適文質之儀此所以純固之德不內遷非僻

之心無自入也

存疑鄭氏康成曰徵角在右事也民也可以勞

孔疏樂記

角為民徵為事宮羽在左君也物也宜逸

孔疏樂記宮為君羽為物

案步之中節與射之中節不同射必歌詩為節故曰  
何以聽何以射步不必有人隨之歌詩也孔謂於趨  
歌采齊行歌肆夏之詩天子容有之而鄭謂君子士  
以上亦槩言君子無故玉不去身耳士以上之君子  
無不佩王者其佩玉必無不中徵角宮羽之節者趨

行雖不必如天子之歌詩其步之疾徐要無不中兩  
詩之節者玉之鏘鳴因其周折揖揚而孔尤畫地以  
計二節以走一節以趨而執玉不趨執龜不趨則異  
其事也君行一臣行二大夫繼武士中武則異其人  
也孔謂寢門外至應門趨寢門內至堂行則異其地  
也至右徵角左宮羽則大約言玉聲所中以起下鏘  
鳴之意必以左右分尊卑勞逸似迂又言玉最厚者  
宮最薄者羽則衝牙所觸而有聲者止兩璜無四璜

也諸儒論音不已且進而論律以兩璜而中十二律  
恐無是理其說每有求之太過者姑存而附論之  
君在不佩玉左結佩右設佩居則設佩朝則結佩齊則  
精結佩而爵韞齊側皆反

精側耕反

正義鄭氏康成曰謂世子也

孔疏臣之朝君備以盡飾當佩玉今云君在不

佩玉故知非臣下云世子是以知世子也

出所處而君在焉

孔疏下云朝則

結佩謂朝時明此出所處與君同在一處非朝處也

則去德佩而設事佩辟德

而示即事也

孔疏去玉佩示已無德設事佩

結其左

者若於事有未能也結者結其綬不使鳴馬居則設佩謂所處而君不在焉朝則結佩朝於君亦結左也  
綉屈也結又屈之孔疏謂結其佩又屈上之也思神靈不在事也

爵韞者齊服玄端孔氏穎達曰右設佩者謂事佩

木燧大觴之屬也朝結佩及設佩亦皆謂世子齊則  
綉結佩則謂凡應佩玉之人非唯世子也又曰熊

氏皇氏並謂諸侯以下皆以玄端齊而以爵韞為韞  
同士禮以其齊故不用朱韞素韞義或然也方氏

憲曰言君在不佩玉又言左結佩右設佩則知所結  
所設者非德佩也事佩而已居則設佩者此言德佩  
也居謂燕居朝謂朝於公侯之時居則設以示德音  
孔昭雖燕而有所不忘朝則結以猶其德音自謙而  
有所未發也既曰君在不佩玉又曰朝則結佩者所  
謂朝則在朝之時所謂在則退朝之所也退朝之所  
父子之道也在朝之時君臣之義也子有代父之嫌  
而臣無代君之禮故退朝不佩玉者子避嫌於父也在

朝必佩玉者臣盡禮於君子亦臣也蓋各有所主而已  
朝雖佩玉然猶結之則又有別於羣臣焉齊則綉結佩  
而爵韞凡致齊者皆如是當是時君不得以朱大夫不  
得以素佩之聲則靜而不譁服之色則幽而不著凡以  
陰幽思而已 陳氏祥道曰齊所以著精明之德佩  
既結矣又從而屈之不以徵角宮羽之聲散其志也  
存疑陳氏祥道曰古者有德佩有事佩德佩則左右  
皆玉事佩則左紛帨右玦捍之類先設事佩次加德

佩以事成而下德成而上故也詩言佩觿佩韞乃言  
容兮遂兮是先設事佩後德佩也孔氏穎達曰去  
德佩非全去也結之使不鳴焉爵韞者謂士玄端齊  
故爵韞為韞也

案佩有三德佩一玉在中事佩二所謂左佩紛帨刀礪  
右佩玦捍管韙也玉佩無有左右者陳用之謂加德佩  
於事佩之上誤也世子居常毓德為要故設瑜玉而習  
其聲朝則雖設而結之無聲示德未成也燕居侍父則

並不設而去之並不敢言有德也左右兩事佩恆結其  
左弁於事有未能也鄭注本明孔疏以左之結佩為  
君在不鳴玉誤矣先儒惟方氏最悉又案齊服之  
韜無考鄭因春官司服有齊服玄端士冠禮有玄端爵  
韜此記言齊爵韜故以齊服玄端言之孔疏因玄端  
爵韜為士冠之服故據士言之然據士冠禮疏引大  
戴禮公冠四加合緇布冠皮弁爵弁玄冕而不言與  
士異韜則士以上凡服玄端皆用爵韜明矣又司服

言諸侯孤卿大夫士之服而繼之以齊服玄端素端  
則玄端素端不特士之齊服矣或謂天子玄冕齊又  
樂記明言魏文侯端冕而聽古樂則冕亦用端也

凡帶必有佩玉惟喪否佩玉有衝牙君子無故玉不去

身君子於玉比德焉

衝昌  
容反

正義鄭氏康成曰凡謂天子以至士喪主於哀故去  
飾衝牙居中央以前後觸也故謂喪與災眚孔氏

穎達曰衝牙前後觸璜而為聲所觸之玉其形似牙

故曰衝牙

天子佩白玉而玄組綬公侯佩山玄玉而朱組綬大夫  
佩水蒼玉而純組綬世子佩瑜玉而綦組綬士佩瓀玟  
而緼組綬孔子佩象環五寸而綦組綬綬音受純讀為  
繩側其反瑜羊

朱反綦音其瑞而究反徐又作璫同緼音溫

正義鄭氏康成曰玉有山玄水蒼者視其文色所似  
也孔疏玉色似山之玄而雜有文似水之蒼而雜有文也綬者所以貫佩玉相  
承受者也純當為緇綦文雜色也孔疏顧命綦弁注云綦青黑色鄭風

繕衣綦巾注云綦蒼  
艾色是綦為緇色

緼赤黃 孔氏穎達曰尊者玉

色純公侯以下玉色漸雜世子及士惟論玉質不論  
玉色則玉色不定也瑜是玉之美者故世子佩之承  
上天子諸侯則世子天子諸侯之子也然諸侯世子  
雖佩瑜玉亦應降殺天子世子也璫玟石次玉者賤  
故士佩之 陳氏祥道曰玉之貴者莫如白賤者莫  
如璫玟山玄以象君德之靜水蒼以象臣職之動山  
玄水蒼其文也瑜與璫玟其質也世子佩瑜則士佩

璫矣士佩璫則世子而上佩瑜矣璫或作瓀以其多  
石故也玟或作珉以其賤故也組綬之佩謂之綬以  
其貫玉相承受也 方氏憲曰君以無為而體道道  
則純臣以有為而用事事則雜諸侯雖有君道以對  
天子則為臣故綬以朱之純而山玄則雜之矣世子  
亦有君道以有父在則為臣故玉以瑜之純而綬以  
綦則雜之矣此非隆殺之辨歟 陳氏澠曰象環五  
寸燕居佩之非謂禮服之正佩也

存疑鄭氏康成曰孔子佩象環謙不比德亦不事也  
象有文理者也環取可循而無窮孔氏穎達曰象  
環五寸法五行也

童子之節也緇布衣錦緣錦紳并紐錦束髮皆朱錦也

并必正反  
紐女毋反

正義鄭氏康成曰童子未冠之稱也冠禮曰將冠者  
采衣紲也孔氏穎達曰此以下論童子之儀童子  
之節謂未成人之禮節用緇布為衣尚質故也用錦

為繻布衣之緣又紳帶及約帶之紐皆用錦并以錦  
為總而束髮其錦皆用朱色之錦示將成人有文德  
一文一質之義也 徐氏師曾曰前言弟子縞帶則  
此亦縞帶以錦為紳并紐也

肆束及帶勤者有事則收之走則擁之

正義鄭氏康成曰肆讀為肆餘也餘束約紐之餘組  
勤謂執勞辱之事也此亦亂脫在是宜承無箴功

孔氏穎達曰身充勤勞之事則收斂在手須趨走則

擁抱之於懷

童子不裘不帛不屨絰無總服聽事不麻無事則立主人之北南面見先生從人而入

絰其俱反見賢遍反

正義鄭氏康成曰皆為幼小不備禮也絰屨頭飾也

雖不服總猶免

孔疏問喪云免者不冠者之服故知未成服童子雖不當室猶著免也童子不當室不免而此注云猶免者崔氏熊氏並云不當室而免者謂未成服而來也問喪云不當室不免

者謂據成服之後也

深衣無麻往給事也

孔氏穎達曰不裘

不帛為大溫傷壯氣也不屨絰未成人不盡飾為節

也童子唯當室與族人有恩相接之義故遂服本服之總若不當室則情不能至總故不服也主人喪主也此童子來聽事若有事則使之若無事則立主人之北南面而立先生師也童子不能獨為禮若往見師則隨成人而入也 方氏慈曰不裘即不衣裘裳是也不帛即不帛襦袴是也 陸氏佃曰童子於有喪者之家當事則不麻為其幼也故謂之聽事而已少儀曰童子曰聽事 陳氏浩曰童子未能習禮且

總輕故父在不總父歿則本服不可違矣從人而見先生不敢以卑小煩長者為禮也

侍食於先生異爵者後祭先飯客祭主人辭曰不足祭也客食主人辭以疏主人自置其醬則客自徹之一室之人非賓客一人徹壹食之人一人徹凡燕食婦人不

徹飯扶晚反

食音孫

正義鄭氏康成曰後祭先飯謙也客祭者盛主人之饌也客食者美主人之食也疏之言麤也客自徹敬

主人也徹奠於序端一室之人同事合居者也賓客則各徹其饌壹猶聚也為赴事聚食也婦人不徹質不備禮孔氏穎達曰此論侍食及徹饌之節異爵謂尊於己者饌不為己故後祭先飯示為尊者嘗食也客食者若食竟作三飯飧也主人敬客自置其醬則客宜報敬故自徹之曲禮主人親饌是也同事而合居一室既無的賓主故必少者一人徹饌赴事壹聚共食則亦不人人徹亦推一人徹也方氏慈曰

先生尊者異爵貴者也

存疑輔氏廣曰徹亦徹醬也曲禮卒食客自前跪徹  
飯齊以授相者鄭云齊醬屬也公食大夫禮賓卒食  
北面取梁與醬以降然則主人不自置醬則客猶徹  
飯與

食棗桃李弗致於核瓜祭上環食中棄所操凡食果實  
者後君子火孰者先君子有慶非君賜不賀有憂者

行核

隔反操七刀反後  
胡豆反先悉薦反

正義鄭氏康成曰弗致於核恭也上環頭忖也

孔疏切

謂切瓜頭  
切去皮

果實陰陽所成非人事故後君子火孰備

火齊不得故先君子非君賜不賀者惟君賜為榮也

有憂者下絕亡非其句

孔氏穎達曰弗致於核謂

懷核不置於地也食瓜亦祭先環者橫斷形如環也

斷則有上下環上環是慮閒下環是脫華處祭時取

上環祭之而食中操謂手所持者棄之不食有慶謂

或宗族親戚燕飲聚會雖吉不相賀唯受君賜為榮

故相賀拜 朱子曰注云頭忖謂寢頭所切一環也  
以其所生之本味最甘美又先斷而不汙故以為祭  
中者中環也亦甘且潔故以奉尊者所操下環為手  
所持處以其味薄而不潔故棄之而不食也

通論方氏慤曰自然之味以先食為新使然之味以  
後食為慎周官膳夫品嘗食王乃食而不及果實者  
亦此之意

存疑陸氏佃曰有慶非君賜不賀言有憂者有慶惟

君賜然後賀

案有憂者三字陸氏連上文不賀為句不如鄭氏下  
闕亡為正

勤者有事則收之走則擁之

正義鄭氏康成曰此補脫重

孔子食於季氏不辭不食肉而飧

正義鄭氏康成曰以其待已及饌非禮也

孔疏凡客將食興辭

而孔子不辭者必是季氏進食不合禮也凡禮食先食哉次食殷乃至肩至肩則飽乃食孔子不食肉仍

為食者是季氏  
饌失禮故也

通論應氏鏞曰聖人待陽貨之禮婉而深待季氏之禮直而簡意者季氏猶可以微意警而陽貨不可與語與

總論范氏鍾曰食之節俎豆庶羞非不備禮也而置與徹惟以醬貴食味之主也左右給使非無以供役也而賓主必自置與徹蓋取親於其身之為敬且重也尊者逸卑者勞少長有禮矣男子徹婦人不徹男

女有別矣一食之間曲盡如此古人非為飲食也為行禮也賜果懷核敬君也瓜祭上環敬先也薦新與火孰異尊賢也一果之微皆有法安敢肆情於禮節之外乎

君賜車馬乘以拜賜衣服服以拜賜君未有命弗敢即乘服也君賜稽首據掌致諸地酒肉之賜弗再拜

正義鄭氏康成曰乘服以拜敬君惠也稽首致首於地據掌以左手覆按右手也酒肉之賜弗再拜輕也

受重賜者拜受又拜於其室也 孔氏穎達曰凡受

君賜賜至則拜至明日更乘服所賜往至君所又拜重君恩也酒肉但初賜至時則拜明日不重往拜也

馬氏晞孟曰車服之賜庸賜也是故乘服而再拜酒肉之賜斯須之賜也是故有拜而不再

存異鄭氏康成曰君未有命謂卿大夫受賜於天子者歸必致於其君君有命乃服之

孔疏卿大夫為使臣

辨正陸氏佃曰謂非輕賜雖有車馬衣服不敢輒乘

服也若後世三品雖應服紫五品應服緋必君賜而

後服 應氏鏞曰凡君之賜服有命矣而曰君未有

命者蓋車馬衣服皆視爵命以為賜臣聞君命則必

謙遜而致辭詩所謂受爵不讓至於已斯亡者正以

受而不辭也辭焉而又再命之然後乘服以拜況車

馬重賜為人子者三賜不及焉則其必辭以待命可

知 王氏折曰必待君命自是人臣敬慎之禮若依

注作諸侯之卿大夫為使臣說則其方受天子賜時

已乘服拜賜而歸又獻於其君待君命之而後乘服  
是二天子矣此說難通

凡賜君子與小人不同曰

正義鄭氏康成曰慎於尊卑也 方氏慤曰王者之  
賜與於其賢足以爵則賜之爵以馭其賢庸足以祿  
則賜之祿以馭其庸至於其賢不足爵庸不足祿而  
恩私施焉則與之以馭其幸而已謂之君子則於賢  
庸為有餘小人則於賢庸為不足此君子小人賜與

之別也 周氏謂曰賜君子以德與小人以力賜與均之者恩也不同日者義也

通論陳氏祥道曰事不同不可同日語人不同不可同日賜故詩勞還率則歌出車勞還役則歌杕杜凡以明貴賤辨等列也昔虢公晉侯之朝於周也同賜以五縠之玉君子猶以位之不同為譏秦后子楚子干之寓晉也同食以百人之餼君子猶以富之不同為譏况君子與小人乎

凡獻於君大夫使宰士親皆再拜稽首送之膳於君有  
葷桃荔於大夫去荔於士去葷皆造於膳宰大夫不親  
拜為君之答已也

葷許云反荔音列去起呂反為于萬反

正義鄭氏康成曰再拜稽首送之敬也葷桃荔辟凶  
邪也大夫用葷桃士桃而已葷薑及辛菜也荔茭帚  
也造於膳宰皆致命而授之葷或作俎大夫不親拜  
者不敢變動至尊孔氏穎達曰此論臣獻君物及  
致膳於尊者之儀大夫尊恐君拜已之獻故自不往

而使已膳宰往獻士賤不嫌君拜

案下記言士待諾而退又拜弗答拜

疏為君不答士拜所謂不嫌君拜者以此

故身自親送皆再拜稽首者雖

大夫使人初於家亦自拜送而宰將命及士自送之

君門付小臣之時宰及士皆再拜而送之也天子諸

侯之臣獻孰食於君恐邪氣干犯故用辟凶邪之物

覆之大夫之臣以食獻大夫則除列士之臣吏以食

獻士又去葷桃桃枝也皆皆於君大夫士也造至也

膳宰主飲食官也獻孰食者操醬齊以致命致命竟

而以所獻之食悉付主人之食官也大夫自獻則屈君答已解所以不自獻義也 方氏慤曰桃以其性葷以其氣列以其形形不如氣氣不如性故貴賤多少之數去其一者去列去其二者又去葷惟桃為不可去無貴賤一也皆造於膳宰者則以不敢專達必待主膳之人達之也

存疑鄭氏康成曰膳美食也

辨正陳氏祥道曰膳於君大夫士者致福之膳也非

# 致福之膳則無事於桃荔

案少儀有為已祭而致膳於君子曰膳之文則陳說為是不然而大夫士以美食進君不幾於謗且穀乎存異徐氏師曾曰造於膳宰不言拜恐授小臣時不必拜

案士拜送在家拜送其所獻以往也其造於君所則又拜大夫則惟拜於家至造於膳宰時則使者代拜徐謂造於膳宰不必拜未然

大夫拜賜而退士待諾而退又拜弗答拜大夫親賜士  
士拜受又拜於其室衣服弗服以拜敵者不在拜於其  
室

狄敵音

正義鄭氏康成曰大夫拜賜小臣受大夫之拜復以  
入告大夫拜便辟也孔疏大夫往拜至門外告小臣  
小臣入自大夫乃拜拜竟乃退士  
拜受又就拜於其家是所謂再拜也衣服弗服以拜  
異於君惠也拜於其室謂來賜時不見也見則不復  
往徐氏師曾曰於士言弗答拜則大夫為答拜而

退可知

凡於尊者有獻而弗敢以聞士於大夫不承賀下大夫於上大夫承賀親在行禮於人稱父人或賜之則稱父拜之

正義鄭氏康成曰有獻而弗敢以聞謂獻辭也少儀曰君將適他臣若致金玉貨貞於君則曰致馬資於有司是其類也承受也士有慶事不聽大夫親來賀已不敢變動尊也稱父事統於尊孔氏穎達曰凡

謂賤者也謂臣有獻於君士有獻於大夫其辭不敢  
云獻聞於尊者但當云贈從者之屬不承賀不受賀  
也下大夫於上大夫尊卑近故受也 輔氏廣曰有  
獻致其誠也弗聞恐其瀆也 方氏慤曰行禮於人  
稱父不敢私交也人或賜之稱父拜之不敢私受也  
徐氏師曾曰有獻而弗敢以聞即造於膳宰之義  
禮不盛服不充故大裘不裼乘路車不式

正義鄭氏康成曰禮盛者服充大事不崇曲敬也大

裘路車謂祭天也周禮王祀昊天上帝則服大裘而冕乘玉路或曰乘兵車不式 孔氏穎達曰充猶襲也服襲是充美於內雖盛禮乃然聘及執玉龜皆襲也禮盛服充不見美也路車謂玉路郊天車過門閭不式亦禮盛不為曲敬也 周氏謂曰以文為敬則不敢充其美以質為敬則不敢見其美大裘不裼以質為敬也乘路車不式所敬不貳也 馬氏晞孟曰充其服者內心也以德將者也然則致其飾者非禮

之盛者也禮不足然後致其飾 陸氏佃曰大裘不  
裼則襲可知

通論方氏慤曰執玉有藉者裼無藉者襲圭璋則無  
藉以之聘璧琮則有藉以之享聘禮在先享禮在後  
因聘而後有享故也則聘禮固盛矣 吳氏澄曰此  
章前後有四充字記者雜取非必出於一人一時之  
言然其意亦不異蓋充者備也滿也備滿有盛之義  
焉不充其服如衛文公大布之衣大帛之冠自抑損

而不充盛其服也服之襲也充美也使美藏於內而不露美之在內備滿充盛也若露裼衣而見其美則不得為盛矣臣之於君不敢以充盛自處惟自抑損乃為敬君故臣以見美不充為敬也不敢充服不充亦同此義

存異孔氏穎達曰郊禮盛服大裘則無別衣裼之是不見美也

案此不暢謂充美其為襲無疑孔子曰至泰壇服袞

戴冕璪十有二旒而孔疏云無別衣褐之是表裘也  
表裘則裘全露不惟見美而已而反以為充美可乎

父命呼唯而不諾手執業則投之食在口則吐之走而不趨親老出不易方復不過時親瘠色容不盛此孝子之疏節也

唯于癸反徐以才細反

正義鄭氏康成曰不諾不趨至敬也易方為其不信已所處也復反也不易方不過時不可以憂父母也疏節言非至孝也瘠病也王季有疾文王色憂行不

能正履是也 孔氏穎達曰此明子事親之禮父命

呼父召子也命謂遣人呼應之以唯而不稱諾唯恭

於諾也急趨父命故投業吐食也趨疾趨也但急走

往而不暇疾趨也

案 趨則有容走則無容 不暇謂不為容也

方常也

若啓往甲則不得往乙若覓不見則老人易憂愁也

復還也旦啓云日中還不得過中

方氏慤曰出不

易方有定所也復不過時無愆期也孝子事親豈必

老而後如是以親老者尤不可不知也孝子之事親

也養則致其樂病則致其憂故親瘠色容不盛

存疑孔氏穎達曰親之病孝子當憂愁危懼行不能正履也今親病唯色容不充盛而已不能顯穎憂愁危懼此乃是孝子疏簡之節言孝心不篤也

案疏通也疏節猶言通禮如此鄭引文王色憂証色容不盛而云非至孝正使人由可見處思其至處而孔疏分為二等失鄭義矣

父沒而不能讀父之書手澤存焉爾母沒而杯圈不能

飲焉口澤之氣存焉爾

圈起  
權反

正義鄭氏康成曰圈屈木所為卮匜之屬見親之器物哀惻不忍用也孔氏穎達曰手澤謂父平生所持手之潤澤在焉口澤謂母平生口飲潤澤之氣在焉不能謂不能忍為此事也方氏慤曰書謂書冊君子所執以誦習故於父言之杯圈飲食器也婦人惟酒食是議故於母言之手澤汗之所漬也口澤津之所漬也口有氣焉故又以氣言之輔氏廣曰於

其疏者苟不及焉則其餘不足觀矣親亡而澤猶存  
惟篤於孝者覺之上為疏節而此為至性也

總論范氏鍾曰孝子之事親也聽於無聲視於無形  
況父之所命呼乎父母在不遠遊遊必有方一舉足  
不敢忘況敢易方過時此生而盡其情也及其疾病  
色憂不滿容中心達於面目不自知此病而致其憂  
也然皆疏節爾致愛則存致慇則著思其居處思其  
所嗜覩物動心有不忍焉此終身不能忘沒而致其

思也

君入門介拂闥大夫中棖與闥之閒士介拂棖賓入不

中門不履闥公事自闥西私事自闥東

闥魚列反棖直衡反闥音域

正義鄭氏康成曰君入門謂兩君相見也棖門楔也

君入必中門上介夾闥大夫介士介鴈行於後示不

相沿也

孔疏鴈行參差節級崔氏皇氏並云君必中門者當張闥之中主君在闥東賓在闥西主

君上擯在君之後稍近西而拂闥賓之上介在賓之後稍近東而拂闥大夫擯介各當君後在張闥之中

央義或當然今依用之

君若迎聘客擯者亦然不中門不履闥

辟尊者所從也闕門限此謂聘客也公事聘享私事  
覲面也 孔氏穎達曰此明兩君朝聘卿大夫入門  
之儀入門謂入大門此謂兩君相見主君在闢東賓  
君在闢西皆當棖闢之中介謂上介稍近君故拂闢  
大夫之介微遠於闢故當棖與闢之間士介卑去闢  
遠故拂棖闢謂門之中央所豎短木也棖謂門之兩  
旁長木所謂門楔也介者副也此明朝又明聘賓入  
者謂聘賓也不中門謂不當闢西棖闢之中央不履

闕足不履踐門限之上也聘享是奉君命而行故謂之公事自闢西用賓禮也私覲私面非行君命故謂之私事自闢東者從臣禮也

通論方氏慈曰入門左而自闢西以就西階故也入門右而自闢東以就東階故也公事為國而與主君敵故自西焉私事為己則從主君而已故自東焉曲禮又言大夫士出入君門由闢右則一自東而已與此異者彼言為臣此言為賓故也 朱子曰案此云

門只有一闌賈氏儀禮疏獨云門有二闌故中庭之處及君與賓介行之次第皆有不同未知孰是當更攷之

案聘禮行聘時納賓賓入門左介皆入門左是公事自闌西禮畢而請覲賓覲入門右北面奠幣擯者辭則承幣入門左介皆入門左其上介請覲奠幣奉幣禮亦如之惟士介初入門右擯者辭士介終不敢入門左是私事自闌東者從其初之入門右而奠幣言

之

君與尸行接武大夫繼武士中武徐趨皆用是疾趨則  
欲發而手足毋移圜豚行不舉足齊如流席上亦然端  
行頤雷如矢弃行刺刺起屢執龜玉舉前曳踵蹠蹠如

也

母音無圜舉遠反豚徒渾反說文從彖篆文從豕  
作豚齊音咨頤音移雷力救反刺以漸反蹠色六反

正義鄭氏康成曰接武尊者尚徐蹠半迹

孔疏兩足相躡每蹠

於半未得繼武迹相及

孔疏兩足相接

中武迹閒容迹也

各自成迹

孔疏中猶閒也每徙足

閒容一足地乃躡之也

徐趨謂君大夫士之徐行皆

如與尸行之節也疾趨謂直行也疏數自若發謂起

屢也

孔疏屢頭恆起  
無復繼迹之異

移之言靡匝也

孔疏靡匝  
搖動也

毋移

欲其直且正

孔疏雖屢恆欲起而手足  
猶宜直正不得邪低搖動

欲或為數圈

轉也豚之言若有所循

孔疏轉足  
循地而行

不舉足曳踵

孔疏  
足不

誰

則衣之齊如水之流矣孔子執圭則然此徐趨也

席上亦然尊處亦尚徐也端直也頤或為霆此疾趨

也執龜玉舉前曳踵著徐趨之事

孔氏穎達曰君

天子諸侯也武迹也徐趨遲行也皆皆於君大夫士

也圈豚行者釋上徐趨之形齊裳下緝也足既不舉身又俯折則裳下委地曳足如水流狀也端行覆上疾趨之節端行謂直而行頤審者行既疾身乃小折而頭直俯臨前頤如屋審之垂也矢箭也身趨前進不邪如箭也弁急也剗剗身起貌疾行欲速而身屢恆起也踵謂足後跟也執龜玉徐趨之時初舉足前後曳足跟行不離地蹠蹠言舉足狹數也 方氏憲曰凡行步廣則疾而勞狹則緩而逸尊者逸而卑者

勞故君至於士尸行之節其別如此圈豚行不舉足者謂回旋而行也席雖以坐其行而就坐之時亦以是為節焉剗剗則如火之趨上固異乎流之趨下矣輔氏廣曰趨雖疾而布武未改故曰足毋移併言手者亦不改其拱也故曰張拱而趨舉前曳踵若所謂不舉足則前亦不舉矣

存疑陸氏佃曰豚行蓋言冕行知然者以端行弁行知之也端行謂服玄端而行弁行謂服爵弁皮弁而

行

案武專以足跡言行兼以身容言就足而視其跡則有接武繼武中武三者之異而君大夫士之貴賤以殊此各人尋常行步之法也就身而視其容則有圈豚行端行弁行三者之異而趨之徐疾亦見此臣與君行之法也尊君故行舒緩惟有接武一法臣恭君命故有徐趨疾趨二法蓋君行一臣行二徐趨二步而始如繼武之一步疾趨二步而始如中武之一步

總以反覆形容行步之節爾其言尸者君不迎尸而事尸於堂禮堂上接武故因言君而並及之恐不當謂大夫與尸行繼武士與尸行中武也

凡行容惕惕廟中齊齊朝廷濟濟翔翔

惕音傷又音陽齊才兮反濟在

啓反

正義鄭氏康成曰惕惕直疾貌凡行謂道路也

孔疏道路

雖速疾不忘於直故其容疾而直

齊齊恭慤貌

孔疏齊齊自收持嚴正以對神不敢舒散

也濟濟翔翔莊敬貌

孔疏濟濟有嚴儀矜莊翔翔行而張拱並朝廷所需也

君子之容舒遲見所尊者齊遨足容重手容恭目容端  
口容止聲容靜頭容直氣容肅立容德色容莊坐如尸  
燕居告溫溫

齊音咨又側皆反遨音速

正義鄭氏康成曰齊遨謙慤貌遨猶蹙蹙也足容重  
舉欲遲也手容恭高且正也目容端不睇視也口容  
止不妄動也聲容靜不噦欬也頭容直不傾顧也氣  
容肅似不息也色容莊勃如戰色坐如尸尸居神位  
敬慎也告謂教使也詩云溫溫恭人

孔疏詩小雅小宛之篇一

孔氏穎達曰舒遲閑雅也雖尋常舒遲若見所尊之人則自歛持迫促不敢自寬奢也燕居謂私燕所居色尚和善教人使人之時惟須溫溫不欲嚴慄應氏鏞曰立容德中立不倚儼然有德之氣象輔氏廣曰莊有不動之意謂不輕喜易愠

通論方氏憲曰舒遲所以脩容也若夫父黨無容則無事舒遲矣故曰見所尊者齊遫齊則不舒遫則不遲告溫溫則所謂載色載笑匪怒伊教是也 陸氏

佃曰口容止足容重則言行可知後言燕居則以上  
非燕處之容也孔子曰居不容

總論朱子語類問禮記九容與論語九思一同本原  
之地固欲存養於容貌之間又欲隨事省察朱子曰  
即此便是涵養本原這裏不是存養更於甚處存養  
存疑鄭氏康成曰立容德如有予也

孔疏德得也如人授物於己

徐氏邈曰德音置

得之已授物於人得之形

凡祭容貌顏色如見所祭者

正義鄭氏康成曰如覩其人在此 孔氏穎達曰凡  
祭謂諸祭也容貌恭敬顏色溫和如似見所祭之人  
謂祭如在也

案容貌見於一身顏色獨見於面致誠信與忠敬則  
視無形於有形聽無聲於有聲矣

喪容累累色容顛顛視容瞿瞿梅梅言容纏纏

累良追  
反顛音

田視又作目瞿紀  
具反繭古典反

正義鄭氏康成曰累累羸憊貌顛顛憂思貌瞿瞿梅

梅不審貌繭繭聲氣微也 孔氏穎達曰顛顛謂顏

色不舒暢也瞿瞿驚遽貌梅梅謂微昧也 輔氏廣

曰累累顛顛皆隕落崩壞之貌繭繭鬱結而未有緒

也 陸氏佃曰張則瞿瞿收則梅梅經曰見似目瞿

戎容暨暨言容訥訥色容厲肅視容清明

暨其記反  
訥五格反

正義鄭氏康成曰暨暨果毅貌訥訥教令嚴也厲肅

儀形貌清明察於事也 孔氏穎達曰厲嚴也肅威

也視容清明瞻視之容須清察明審也

立容辨卑母謫頭頸必中山立時行盛氣顛寢揚休玉

色

辨讀為貶彼檢反又方犯反謫音詭舊又音鹽

正義鄭氏康成曰謫謂傾身以自下也頭頸必中頭  
容直山立不搖動也時行時而後行也詩云威儀孔  
時顛讀為闖玉色色不變也

案立容辨者賈子誼曰固頤凝視平肩正背端股整  
足體不搖肘是謂經立因以微磬曰拱立因以磬折  
曰肅立因以垂佩曰卑立經立天子宜之拱立國君

宜之肅立大夫宜之卑立士宜之所當辨也立至於卑則易謫故又戒之頭頸必中即平肩正背之意統言之也下又合行容言之言人立則靜行則動其靜如山之凝其動如時之運此必有盛德之氣閭實於中故休美之光著揚於外如玉有溫潤緻密之德自有孚尹旁達之色非有意為之也

存疑鄭氏康成曰辨讀為貶自貶卑謂磬折也揚讀為陽盛身中之氣使之闊滿其息若陽氣之體物也

存異孔氏穎達曰立容謂軍中立之容山立者立則  
嶷如山之固樂記總干而山立 輔氏廣曰山立重  
也時行敏也兵法曰來如處女去如脫兔

辨正吳氏澄曰舊注以立容辨止玉色合上戎容四  
句共為一節今案上文記喪容先總一句乃分三句  
記喪之色喪之視喪之言記戎容亦先總一句乃分  
三句記戎之言戎之色戎之視喪容之哀先觀顏色  
故色容先於視言戎容之嚴先在號令故言容先於

色視立容以下五句於戎容無所當宜別為一節  
黃氏曰立容辨謂所立之容明辨尊卑左右之分無  
僭上也又慮其卑退失分則近乎諂媚故云卑毋謫  
案鄭訓辨卑為貶卑謂磬折孔謂在軍當貶損卑退  
不驕士卒又引樂記總干山立以釋山立不貶卑與  
上異訓矣輔氏黃氏皆指為戎容吳氏別為一節黃  
氏於立容辨斷句辨字不改讀得之

凡自稱天子曰予一人伯曰天子之力臣諸侯之於天

子曰某土之守臣某其在邊邑曰某屏之臣某其於敵  
以下曰寡人小國之君曰孤擯者亦曰孤

守手  
又反

正義鄭氏康成曰予一人謙自別於人而已伯上公

九命分陝者邊邑謂九州之外大國之君自稱曰寡

人擯者曰寡君

孔疏春秋大夫出使之時稱已君為寡君

孔氏穎達曰

此以下明天子至士自稱及擯者傳辭之法天子與

臣下言及遣擯者接諸侯皆稱予一人言我於天下

祇是一人而已若臣下稱一人則謂率土之內惟有

此一人尊之也伯自稱於諸侯言已是天子運力之臣曲禮謂二伯擯於天子則云天子之吏也諸侯身對天子自稱曰某土之守臣某若諸侯之上介致辭於天子之擯者亦當然其天子之擯告天子則曰臣某侯某其在九州之外邊鄙之邑自稱於天子曰某屏之臣某若使上介告天子之擯亦當然其天子之擯告天子則曰臣某子某某男某曲禮云其在東夷北狄西戎南蠻雖大曰子男者亦曰男也諸侯於敵

以下自稱曰寡人言以下通及民也小國謂夷狄子  
男之君自稱及介傳命云某土之孤某擯者告天子  
亦應云某孤也其在國自稱亦曰孤 方氏慤曰於  
後言小國則前所言皆大國也

存異陸氏佃曰予一人求助之辭伯言力而已亦謙  
也不言之於天子著其於敵以下自稱如此據諸侯  
之於天子曰某土之守臣某且言天子言伯以臨下  
之辭稱之亦言之法諸侯言之於天子則非是也若

後世上表與據諸侯見天子曰臣某侯某且曰某土之守臣某則在國可知其在邊邑自茲以往非王土且非守也為屏而已故曰某屏之臣某其於敵以下同姓異姓小邦諸侯自稱如此知然者以天子同姓異姓大國自稱於諸侯曰天子之老知之也然則小國之君即前所謂庶邦小侯是也

案某屏之臣某依疏為自稱於天子之辭其在邊邑云者緊承上語也陸氏據諸侯見天子曰臣某侯某

而疑此為非謂若後世上表非也據鄭注曲禮謂臣某侯某為晉夫承命告天子辭則此為自稱於天子可知且邊邑何嘗不是守土屏亦有守衛之義虞書外薄四海安見邊外即非王土

上大夫曰下臣擯者曰寡君之老下大夫自名擯者曰寡大夫世子自名擯者曰寡君之適適丁歷反

正義鄭氏康成曰擯者之辭主謂見於他國君下大夫自名於他國君曰外臣某孔疏如此言下大夫自名為對已君則經云上

大夫曰下臣亦對已君也

孔氏穎達曰上大夫卿也自於已君

之前稱曰下臣若出使他國在於賓館主國致禮上大夫設賓禮待之此賓者稱大夫為寡君之老雖以賓為文其實為介接主君之辭亦當然賓介通也下大夫對已君稱名而已不敢稱下臣卑遠於君也出使設賓者以待主國此賓者稱下大夫云寡大夫不敢稱寡君之老世子對已國之君稱名賓者曰寡君之適謂對他國之辭也 輔氏廣曰上大夫既曰下

臣矣下大夫非名則無稱 方氏慤曰世子亦公子爾以為適而傳世故名世子而擯者亦曰寡君之適通論孔氏穎達曰出使之臣在客曰介當云介而云擯者謂出使他國在於賓館主國致禮已為主人故稱擯也且擯介散則通

案孔氏據君前臣名謂宜曰下臣某是也經其省文與抑與下大夫自名互備與

公子曰臣孽士曰傳遽之臣於大夫曰外私大夫私事

使私人擯則稱名

孽音枅 五葛反 徐五列反 傳  
陟戀反 遷其庶反 使色吏反

正義鄭氏康成曰孽當為枅聲之誤

孔疏枅是樹生之餘故盤庚云

若顛木之有由孽是也

方氏憲曰世子為適則知

公子為庶庶子孽也適子本也故公子曰臣孽謂之

孽者以其自本旁出若木之有孽故也

傳遽以車馬給使者也

孔疏士位卑給

車馬役使故稱傳遽傳遽之小事急而不遑曰遽士以事人為事故自吉

方氏憲曰周官行夫下士掌案傳遽特謙辭如下

士臣於大夫

服傳遽之賤役走及牛馬走之類非必盡掌傳遽也

者曰私人

孔疏此下文云大夫私事使私人擯故知大夫之臣曰私人也

孔氏穎

達曰公子曰臣孽謂對已君也若對他國當云外臣

傳遽亦謂對已君也大夫家臣稱私此士既不與大夫為臣故對大夫稱曰外私私人擯則稱名者謂以已之屬臣為擯相雖是上大夫及下大夫擯者則皆稱大夫之名以其非公事正聘故降而稱名也 輔氏廣曰公子曰臣孽常使其自別於適也案大夫得臣士而士稱於他大夫不敢曰外臣辟君也 方氏慤曰公子與士皆不言擯則以卑而畧之

存疑鄭氏康成曰私事使謂以君命私行非聘也若

魯成公時晉侯使韓穿來言汝陽之田歸之於齊之類

辨正劉氏敵曰鄭說非也此乃謂若趙襄子使楚隆弔吳夫差之類爾凡大夫聘而傳命則當稱寡君至於私臣擯於君命不得言主故名之也楚隆之辭曰寡君之老無卹使陪臣隆敢展謝之此則名者也

案此言私事所以別於公也若奉君命則公矣故不曰君事而曰大夫私事然大夫交不出竟茲記固春

秋之變禮與

公士擯則曰寡大夫寡君之老大夫有所往必與公士為賓也

賓必  
刀反

正義鄭氏康成曰謂聘也大聘使上大夫

孔疏案聘禮及竟張

禮周禮孤卿建壇故知大聘使卿

小聘使下大夫

孔疏聘禮小聘曰問其禮如為介案

大聘大夫為上介今云如其為介故知小聘是大夫

公士為賓謂作介也往之

也 孔氏穎達曰正聘之時則用公家之士為擯不

用私人稱下大夫曰寡大夫上大夫曰寡君之老大


夫正聘者有所往適之時必與公士為賓賓介也言使公士作介也 輔氏廣曰寡大夫官也寡君之老君之所尊也私事使固不可稱矣

案非正聘降其所稱用臣禮也正聘隆其所稱用賓禮也大夫正名於他國重本國之體以不辱君命也使公士擯則稱寡君之老寡大夫而此擯者亦得受賓禮使私人擯則稱名而此擯者亦不得受賓禮也公私之辨其嚴如此

總論范氏鍾曰凡自稱孤寡不穀純乎謙也稱人與  
擯贊雖謙而有體如寡君之老之適曰寡謙也曰老  
曰適未嘗不明德與序矣對尊者極其謙如某守臣  
屏臣曰孽曰傳遽是也對敵之辭謙不失已

案戴記如曲禮少儀雜記諸篇多係掇拾不甚條貫  
又有後來爛脫者元熊氏朋來吳氏澄各有考定本  
不妨互觀猶大學有古本二程子本朱子本石經本  
也

欽定禮記義疏卷四十三



總校官庶吉士臣侍朝  
校對官檢討臣王鍾健  
謄錄監生臣劉復善